

摘藻堂四庫全書薈要


史部

欽定四庫全書薈要

史部

御批續資治通鑑綱目卷八

詳校官編修臣汪鏞



欽定四庫全書蒼要卷七千三百九十三 史部

御批續資治通鑑綱目卷八

起丙寅宋哲宗元祐元年
盡庚辰宋哲宗元祐三年 凡十五年

宗皇帝元祐元年春閏二月蔡確有罪免

司諫王觀上疏言國家安危治亂繫於大臣今執政八人而姦邪居半使一二元老何以行其志哉因

極論蔡確章惇韓縵張璪朋邪害正章數十上會右

諫議大夫孫覺侍御史劉摯左司諫蘇轍御史王巖

叟朱光庭上官均等連章論確罪且言確在熙豐時

充獄苛政首尾預其間及至今日猶語於人曰當時

確豈敢言此其意欲固竊名位反歸曲於先帝也司

馬光呂公著進用竊除煩苛確言皆已所建白於是

公論亦不容太后不忍
斥之但罷政出知陳州

以司馬光為尚書左僕射兼門下侍郎

時光已得疾而青苗免後將官之法猶在西戎之議
未決光嘆曰四害未除吾死不瞑目矣折簡與呂公
著曰光以身付醫以家事付愚子惟國事未有所托
今以屬公既而詔免朝覲許乘肩輿三日一入省光
不敢常曰不見君不可以視事詔令子康扶入對違
人聞之救其違吏曰中國相司馬矣毋輕生事開違
隙

發明

舜有天下選於衆舉皋陶則不仁者遠矣湯
有天下選於衆舉伊尹則不仁者遠矣蔡確
姦邪而宋黜之則黜之得其宜也治天下者愛賢如愛寶
宋相之則相之得其宜也

惡惡如惡臭然後君子得行其志小人亦斂其姦苟不能然則賢否溷淆而治亂靡定矣故綱目上書蔡確有罪免所以予其黜小人下書以司馬光為尚書左僕射所以予其用君子綱目非厚光而薄確也得好惡之正云爾
下書章惇范純仁同意

廣義

哲宗初政即罷蔡確相司馬可謂知所先務矣書曰任賢勿貳去邪勿疑哲宗其庶幾矣

以呂公著為門下侍郎李清臣呂大防為尚書左右丞元豐官制行三省並建而中書獨為取旨之地門下尚書奉行而已至是公著以為言乃詔事干三省者執政並同取旨而各行之仍著為令

以李常為戶部尚書

司馬光官戶部尚書舊三司使之任其所管財穀事有散在五曹及寺監者並歸戶部詔從之尋以常為尚書或疑其少幹局慮不勝任光曰用常主邦計則人知朝廷不急於征利聚斂少息矣

章惇有罪免以范純仁同知樞密院事

言者論惇讒賊狠戾罔上蔽明不忠之罪與蔡確等惇不自安及確罷論者益力會與司馬光爭辨後法於太后簾前其語甚惇太后怒斥知汝州以安熹代惇知樞密院事范純仁同知院事命既下給事中王巖叟侍御史劉摯等交章論熹附惇不當躡遷至封還詔命熹亦力辭乃詔仍同知院事

罷青苗法

復常平舊法累年積蓄錢穀財物盡委提點刑獄交管罷諸州常平新法提舉管勾官

三月罷免役法

司馬光請悉罷免役錢諸色役人皆如舊制其見在役錢撥充州縣常平本錢於是詔修定後書凡役錢惟元定額及額外寬剩二分已下許著為令餘並除之若寬剩元不及二分者自如舊則尋詔者戶長壯丁皆仍舊募人供役保正甲頭承帖人並罷侍御史劉摯乞並用祖宗差法監察御史王巖叟請立諸役相勛法中書舍人蘇軾請行熙寧給田募役法因列其五利王巖叟言五利難信而有十弊軾議遂格司馬光復言免役之法其害有五上戶舊充役固有陪備而得番休今出錢比舊費特多年無休息下戶舊不充役今例使出錢舊所差皆土著良民今皆浮浪之人恣為姦欺又農民出錢難於出力凶年則賣莊田牛具以錢納官又提舉司惟務多斂後錢廣積寬剩以為功此五害也今莫若直降敕命委縣令佐

揭簿定差其人不願身供役許擇可任者雇代惟衙前一役最號重難今仍行差法陪備既少當不至破家若猶矜其力難獨任即乞如舊於官戶寺觀單丁女戶有屋產莊田者隨貧富以差出助役錢尚慮後人利害四方不能齊同乞許監司守令審其可否可則亟行如未究盡縣五日具措畫上之州州一月上轉運使以聞朝廷委執政審定隨一路一州各為之敕務要曲盡章惇取光所奏疎畧未盡者駁奏之呂公著言惇專欲求勝不顧命令大體望選差近臣詳定於是資政殿大學士韓維及范純仁呂大防孫永等詳定以聞惇言於光曰差役免役各有利害免役之害聚歛於上而下有錢荒之患差役之害民不得力農而吏得緣以為姦此二害輕重畧等矣光曰於君何如惇曰法相因則事易成事有漸則民不驚三代之法兵農為一至秦始皇分為二及唐中葉盡變府兵為長征卒自是農出穀帛以養兵兵出性命以

衛農天下便之雖聖人復起不能易也今免役之法
實大類此公欲驟罷免役而行差役正如罷長征而
復民兵蓋未易也先不以為然軾又陳於政事堂先
色忿然軾曰昔韓魏公利陝西義勇公為諫官爭之
甚力韓公不樂公亦不顧軾昔聞公過其詳豈今日
作相不許軾盡言邪先謝之曰是役人患用見數為
額惟衙前用坊場河渡錢雇募餘悉定差仍罷官戶
寺觀單丁女戶尋以衙前不皆有雇直遂改雇募為
招募純仁謂先曰差役當熟講緩行不然滋為民病
願虛心以延衆論不必謀自己出謀自己出則論談
得柔間迎合矣後議或難回則可先行之一路以觀
其究竟先不從持之益堅純仁曰是使人不得言耳
若欲竭公以為容悅何如少年合安石以速富貴哉
先深謝之初差役之後為期五日同列病其太迫知
開封府蔡京獨如約悉改畿縣雇役無一違者詣政
事堂白先先喜曰使人人奉法如君何不可行之有

發明

罷青苗法而復常平罷免役法而仍舊制是皆勝其舊染之污致其維新之意也彼君子

不用則已苟用君子則其設施措置適出人表是以行於朝廷者皆公平正大之事達於天下者皆和柔其順之風革之上六曰君子豹變小人革面傳曰革道已成君子如豹之變小人亦革面以聽從矣三復斯言豈不為世之明驗乎此而觀之其義自見

廣義

皆王安石有忤意者中心藏之不至罷斥不已也今溫公一聞蘓軾純仁之論而即謝之

可謂改過不吝而為萬世學者之師也

范子淵有罪貶知峽州

子淵在熙豐間提舉修堤開河糜費巨萬而功用卒不成獲堤壓埽之人溺死無算至是御史呂陶劾其

罪黜知峽州中書舍人蘇軾草制詞有曰汝以有限之財興必不可成之役驅無辜之民置之必死之地時以為至言

置訴理所

許熙寧以來得罪者自言

夏四月罷熙河經制財用司○召程頤為崇政殿說書

歷代講筵之設
半臨御殿廷諸
臣拱侍不過進
誦數行徒了故
事而已夫有何
取必清宮便殿

頤顯弟也年十八上書仁宗欲黜世俗之論以王道為心治平元豐間大臣屢薦皆不起至是司馬光呂公著共疏其行義曰伏見河南處士程頤力學好古安貧守節言必忠信動遵禮法年踰五十不求仕進真儒者之高蹈聖世之逸民望擢以不次使士類有所矜式詔以為西京國子監教授力辭尋召為秘書

沿心誦讀朝夕
研究始能貫通
義理有會於心

即及入對政崇政殿說書願即上疏言習與智長化
與心成陛下春秋方富雖屬聖得於天資而輔養之
道不可不至大率一日之中接賢士大夫之時多親
幸人宮女之時少則氣質變化自然而成願選名儒
入侍勸講罷宿之分直以備訪問或有
小失隨事獻規歲月積久必能養成聖德

廣義

哲宗以啟沃之任待伊川伊川以聖賢之學
輔哲宗可謂君臣相遇者矣使哲宗惟和惟

一勿有間之吾見武丁傳說不足專美於前矣夫
何行道未幾明年遂遭撫軼之悔而反成黨禍惜
哉雖然此亦不足為伊川損益有無也然其道在
萬世執安得而侮邪綱目書曰召程頤為崇政殿
說書雖其文無美辭實足以見哲宗
崇儒重道之意學者味之義自見矣

韓縝免

御史中丞劉摯殿中侍御史呂陶諫官孫覺韓王
觀朱光庭等連章論摯才鄙望輕在先朝奉使割地
七百里以遺契丹邊人怨之切骨不可居相位遂出
知潁昌鎮外事莊重所至以嚴稱雖出入將相而寂
無功烈厚自奉養
世以此晉何曾

王安石卒

安石性強忮遇事無可否自信所見執意不回然議
論奇高能以辯博濟其說慨然有矯世變俗之志故
神宗排衆論力倚任之及議變法在廷交執不可安
石傳經義出己意辨論輒數百言衆不能誑甚者謂
天變不足畏祖宗不足法人言不足恤以是怨議紛
起終神宗世不復召凡八年安石每聞朝廷變其法
夷然不以為意及聞罷助復差役愕然失聲曰亦
罷至此手良久曰此法終不可罷又嘗曰新法始終

以為可行者曾子宣也始終以為不可行者司馬君實也朱熹曰安石以文章節行高一世而尤以道德經濟為己任被遇神宗致位宰相世方仰其有為庶幾復見二帝三王之盛而安石乃汲汲以財利兵革為先務引用凶邪排擯忠直躁迫疆戾使天下之人翫然喪其樂生之心卒之羣姦嗣虐流毒四海至於崇宣之際而禍亂極矣又曰學以知道為本知道則學純心正見於行事發於言語亦無往不得其正如安石者其始學也欲陵跨揚韓掩迹顏孟初亦豈遽有邪心哉特以不能知道故其學不純而設心造事遂流入於邪又自以為是而大為穿鑿附會以文之此其所以重得罪於聖人之門也

發明

神宗宰相書卒者僅二人王珪王安石王珪不書爵珪不足道也若安石者亦有說乎夫

宰相代天理物當以平心處之故伊尹謂之阿衡而周官冢宰職均四海皆公平無私之意今安石

私憾司馬光等乃援引姦邪以傾之新法害民歟
君誤國神宗苟能按罪行辟則安石豈容但已況
其相業無聞此皆小人所為故綱目於其卒也削
去其官以示貶耳若生而幸免死又無譏則何以
為筆削之權衡哉是以後之
為人臣者觀此當加警省云

廣義

荆公以文學名世而際遇神宗可謂遭時得
君之甚者矣夫何執拘不情全無顧忌不肯
安常處順而務以生事為心以是為非以曲為直
始則要君之用遲遲其行終則揮而不去惟患失
之卒致死徒效尤奸人竊覬由是二蔡兩惇檜賊
侂曹似道之徒扇煽搖毒而致宗室不可為者未
必非荆公之作俑也故綱目於
其卒而不書其官者惡之也

以呂公著為尚書右僕射兼中書侍郎○詔起文彥博

平章軍國重事

彥博致仕居洛司馬光言其宿德元老宜起以自輔
太后將用為三省長官言者以為不可乃命平章軍
國重事六日一朝一月兩赴經筵班
宰相上恩禮甚渥彥博年八十一矣

黜內侍李憲等於外

中丞劉摯言陛下臨御以來分別邪正而元惡大惡
猶有漏網宦者李憲貪功生事漁歛生民膏血興靈
之役首違師期乃頓兵城蘭州遺忠今日王中正將
兵二十萬出河東逗遛違詔精兵助騎死亡殆盡亦
用臣董大功侵陵官司誅求小民奪其衣食之路石
得一領皇城司縱違同為飛書朝上則暮入陛下
朝士都民相顧以目者殆十年是四人者權勢煇灼
張灼中外幸而先帝神武足以鎮壓不然其為禍豈

減漢唐宦者或侍御史林旦亦以為言詔並降
官憲中正得一提舉官親用臣監太平州稅務

發明

欲草君心之宿弊先清君側之匪人蓋人君

之無塵止水之無波苟為物欲所蔽惡人所欺則
類例錯亂是非無別鏡塵而水波矣是以欲草君
心之宿弊先清君側之惡人者其以此耳說苑曰
人君之道清淨無為務在博愛趨在任賢廣開耳
目以察萬方今能以呂公著為尚書右僕射以又
彥博平章軍國重事則所用者皆君子矣熟內侍
李憲等則所退者皆小人矣茲非天下之大幾斯
民之大幸而草弊清惡之一端乎惜其紹聖以後
浸不克終也觀綱目之所書則其予之之意隱然
見於書法之間識者當自思之

詔舉經明行修之士

司馬光請立經明行修升歲暮升朝文臣各舉所知以勉勵天下使敦士行以示不專取文學之意若所舉人違犯名數必坐舉主毋赦則自不敢妄舉而士之居卿居家者惟懼玷缺外聞不待學官日刻月察立賞告訐而士行自美矣於是詔自今凡遇科舉令升朝官各舉經明行修之士一人俟登第日用以升

甲

發明

德行本也文藝末也有德行而無文藝是為有質無文固不可也有文藝而無德行是為

有文無質亦不可也必如文質彬彬然後謂之君子今而舉經明行修之士則其既明經而又行修是乃本末之兼全舉而用之不亦宜乎是故欲知朝廷之治亂先觀用人之賢否欲知用人之賢否先觀政治之得失時司馬光為相而請立是科苟或上不能用是為徒請何補於事耶今下能請之

上能行之君臣之間兩無所
欺矣綱目特書交予之也

五月以韓維為門下侍郎

神宗崩維自提舉嵩山崇福宮入臨太后手詔勞問
維對曰人情貧則思富苦則思樂困則思息憂則思
通誠能常以利民為本則民富常以憂民為心則民
樂賦役非人力所堪者去之則勞困息法禁非人情
所便者蠲之則鬱塞通推此而廣之盡誠而行之則
子孫觀陛下之德不待教而成矣未幾起知陳州召
為資政殿大學士兼侍
讀至是拜門下侍郎

命程頤等修定學制

太學自蔡確起大獄連引朝士有司緣此造為法禁
頤等疑確博士諸生禁不相見數諭無所施御史中

丞劉摯以為言至是命程頤孫覺顧臨同太學長貳
看詳修定條制願大槩以為學校禮義相先之地而
月使之爭殊非教養之道請改試為課有所未至則
學官召而教之更不考定高下置尊賢堂以延天下
道德之士錫黼黻以去利誘省繁文以專委任勵行
檢以厚風教及置待賓吏師齋立觀光法如是者亦
數十條

六月放鄧綰李定於滁州○置春秋博士○呂惠卿有
罪建州安置

惠卿見正人豪進知不容於時懇求散地右司諫蘇軾
王觀歷數其姦請投舁四裔以禦魑魅中丞劉摯
復列其五罪於是貶光祿卿分司南京再貶建寧軍
節度副使建州安置時惠卿章惇呂嘉問鄧綰李定

蒲宗孟范子淵等皆已斥外言者論之不己范純仁
言於太后曰錄人之過不宜太深后然之乃詔前
朝希合附會之人一無所問言者勿復彈劾惠卿黨稍
安或謂公著曰今除惡不盡將貽後忠公著曰治道
去太甚耳文景之世網漏吞舟且人

材實難宜使自新豈宜使自棄耶

發明

陰極陽生自然之理政易曰復其見天地之
心乎是時所用皆正人所黜皆邪黨天下既

危而復安朝廷已衰而復盛王吉曰宣德流化必
自近始朝廷不修難以言治左右不正難以化遠
鄧綰李足孤竭狗趨而惠卿為尤甚今而一放逐
一安置而不容駐足於朝堂此激濁揚清好善惡
惡之至公耳豈不為輿論
之一快哉故備書予之

廣義

大抵新法之禍雖起於荆公之執拗實成於
惠卿之迎合故綱目既削去其官復書其有

欽定四庫全書

卷八

罪去其官者以見官非其官爵因父惡德也書其罪者以見罪所當罪天討所必加也況乎自知己罪見正人蒙進不容於時懇求散地則亦無加之何矣易曰無號終有凶其惠卿之謂乎

秋七月罷成都權茶場貶陸師閔官

劉摯蘇轍論師閔增場權茶其害過於市易乃貶師閔而遣戶部郎中黃蘆使蜀按察蘆請權熙秦茶勿改而罷成都茶場許東路通商禁南茶毋入陝西以利蜀貨定博馬歲額為萬八千匹朝廷從之

立十科舉士法

舊制銓注有格槩拘以法法可以制平而不可以擇才故令內外官皆得薦舉其後被舉者既多除吏愈難神宗即位乃革去奏舉而槩以定格於是內外舉官法皆罷但令吏部審官院參議選格及帝即位左

司諫王巖叟言其不便司馬光奏曰為政得人則治
然人之才或長於此而短於彼雖皋夔稷契各守一
官中人安可求備若指瑕掩善則朝無可用之人苟
隨器授任則世無可棄之士臣備位宰相職當選官
若專引知識則嫌於私若只循資序未必皆才乞設
行義純固可為師表節操方正可備獻納智勇過人
可備將帥公正聰明可備監司經術精通可備講讀
學問該博可備顧問文章典麗可備著述善聽獄訟
盡公得實善治財賦公私俱便練習法令能斷請讞
凡十科舉士應侍從以上每歲於十科中舉三人中
書置籍記之有事須材執政按籍視其所舉科隨事
試之有勞又著之籍內外官闕取嘗試有效者隨科
授職所賜告命仍具所舉官姓名其人任官無狀坐以繆舉之罪詔從之

廣義

周成王曰舉能其官惟爾之能稱匪其人爾
惟不任益欲大臣以得人為務也今司馬公

既以蕙淑並蓄為心又以稱舉匪人為慮蓋其心即古人事君之心也大易蒙之九二曰包蒙吉納婦吉子克家其

溫公之謂乎

夏主秉常卒子乾順立

帝初即位秉常遣阿拉雅求蘭州米脂等五砦司馬光言此乃邊鄙安危之機不可不察靈夏之役本由我起今既許其內附若靳而不與彼必以為恭順無益不若以武力取之小則上書悖慢大則攻陷新城當此之時不得已而與之其為國家恥無乃甚於今日乎羣臣見小志大守近遣遠惜此無用之地使兵連不解願決聖心為兆民計文彥博與光合太后將許之光又欲併秦熙河安肅周爭之邢恕亦言此非細事當訪之邊人光乃召前通判河州孫路問之路按輿地圖示光曰自通遠至熙州繞通一徑熙之北

已接夏境今自北關瀕大河城蘭州然後可以扞蔽
若捐以予敵一道危矣光乃止會秉常卒遣使來告
哀詔自元豐四年用兵所得城砦待歸我永樂陷執
民當盡以給還遂遣穆衍往弔祭尋遣使封乾順為
夏國王

九月尚書左僕射兼門下侍郎河內公司馬光卒

時兩宮虛己以聽光為政光亦自見言行計從欲以
身殉社稷躬親庶務不舍晝夜賓客見其體羸舉諸
葛亮食少事煩以為戒光曰死生命也為之並力病
革諄諄語如夢中皆朝廷天下事也及薨太后哭之甚
慟與帝臨其喪贈太師溫國公謚文正年六十八京
師人為之罷市往弔及如陝葬送者如哭私親嶺南
封州父老亦相率具祭都中四方皆畫像以祀飲食
必祝焉子康居喪因窆地得腹疾召醫李積于充御

民間之告積曰百姓受司馬公恩深今其子病願速往也積至則康疾不可為矣光孝友忠信恭儉正直居處有法動作有禮自少至老語未嘗妄自言吾無過人者但生平所為未嘗有不可對人言者耳誠心自然天下敬信陝洛間皆化其德有不善曰君實得無知之乎光於物澹然無所好於學無所不通惟不喜釋老曰其微言不能出吾書其誕吾不信也及居政府凡王安石呂惠卿所建新法為民害者剗草畧盡或為光曰熙豐舊臣多愷巧小人他日有以父子之義間上則禍作矣光正色曰天若祚宋必無此事遂政之不疑史臣曰熙寧新法病民者將二十年一旦光起而為政毅然以天下自任開言路進賢才凡新法之害民者次第取而更張之海內之民歡忻鼓舞甚於更生一變而為元祐治平之治君子稱其有旋乾轉坤之功而光已老且病不克終治惜哉

發明

卒而具其官爵乃綱目之深予神宗之相王珪王安石卒而削其官譏不人道也尤公平

正大憂國庇民熙寧新法刻革殆盡一變而為元祐治平之治君子稱其有旋乾轉坤之功雖古之良弼不過如此嗚呼漢業未復而武侯早卒秦基未固而王猛先殂詎不深可惜哉使天假之以年則不惟無紹聖之禍亦且無崇寧之禍耳故綱目書其官全其爵所以深予之也

廣義

臣嘗莊誦先正溫公傳而知其平生立心行事居交交以至凡百所為推之無不準動之無不化者蓋不過一誠而已所謂至誠無不動者是也易曰咸其脢無悔書曰至誠感神此之謂與

以蘓軾為翰林學士

軾自登州召還十月之間三遷清要尋兼侍讀每經
筵進讀未嘗不反覆開導親有所啟悟嘗鎮宿禁中
召見便殿太后問曰卿前年為何官對曰常州團練
副使曰今為何官對曰待罪翰林學士曰何以遷至此
對曰遭遇太皇太后皇帝陛下曰非也對曰豈大
臣論薦乎曰亦非也軾驚曰臣雖無狀不敢自他途
進曰此先帝意也先帝每誦卿文章必歎曰奇才奇
才但未及進用卿耳軾不覺哭失聲太后與帝亦泣
左右皆感涕已而命坐賜茶撤御前金蓮燭送歸院
軾在翰林頗以言語文章規切時政衛尉丞畢仲遊
憂其及禍貽書戒之曰君官非諫官職非御史而好
非是人危身觸諱以遊其間殆猶抱石而救溺也軾
從不能

張璪免

諫官王觀御史呂陶上官均等連疏言瑛姦邪便佞
善觀主意隨勢所在而依附之往往以危機陷人深
交舒亶數起大獄天下共知其為大姦小人而在高
位德之賊也劉摯亦言瑛初奉安石旋附惠卿隨王
珪黨章惇誦蔡確數人之性不同而能探情變即左
右順從各得其歡心今過惡既彰不可不速去之疏
入皆不報至
是罷知鄭州

冬十月改封孔子後為奉聖公

鴻臚卿孔宗翰言孔子後世襲公爵本為侍祠今乃
兼領他官不在故即於名為不正乞自今襲封之人
使終身在鄉里詔改衍聖公為奉聖公不預他職添
給田百頃供祭祀外許均膳族人賜國子監書立學
官以誨其子弟
宗翰道輔子也

十一月以呂大防為中書侍郎劉摯為尚書右丞

摯為中丞數月彈劾多所貶黜百僚敬憚時人以此
呂晦包拯嘗與同列奏事論及人才摯曰人才難得
能否不一性忠實而才識有餘上也才識不逮而忠
實有餘次也有才而難保可藉以集事又其次也懷
邪觀望隨時改變此小人也太后及
帝曰卿常能如此用人則國家何憂

丁卯 二年春正月禁科舉用王氏經義字說

時科舉罷詞賦專用王安石經義且難以釋氏之說
凡士子自一語以上非安石新義不得用學者至不
誦正經唯竊安石之書以干進精熟者輒上第故科
舉並獎呂公著當國始請禁主司不得以老莊書命
題舉子不得以申韓佛書為學經義參用古今諸
儒說毋得專取王氏尋又禁毋得引用王氏字說

發明

安石之禍貽害不細近而朝廷遠而天下上而經史中而人心罔不為其搖奪而更張之

原情定罪則不特為當世之罪人是乃後世之罪人也孟子曰楊墨之道不患孔子之道不著是邪說誣民充塞仁義也仁義充塞則率獸食人人將相食吾為此懼閑先聖之道距楊墨放淫詞邪說者不得作作於其心害於其事作於其事害於其政安石經義字說不惟附會穿鑿抑且流入釋老當時主司用以取士學者資以進身則何異楊墨淫詞之害乎久而成習漫不知非苟不作於其心害於其事作於其事害於其政者幾希今而於科舉之中既能革罷則可以洩天地神人之憤矣故特書予之

廣義

前此以是取科所謂學者貿貿焉者也今呂公毅然禁止邪說若棄瓦轉而得蘇合也當

時學者一
何幸焉

夏四月詔文彥博十日一議事都堂

彥博累表乞
致仕故也

以處士陳師道為徐州教授

師道高介有節安貧樂道博學善文家貧或經日不
炊晏如也熙寧中王氏經學盛行師道心非其說遂
絕意進取至是以
燕軾薦授是職

復制科○李清臣免

時釐正熙豐之政清臣固爭
以為不可遂罷知河陽府

五月以劉摯王存為尚書左右丞○六月以安燾知樞
密院事○秋七月朔日食○罷門下侍郎韓維

維處東省踰年有忌之者密為譏謔詔分司南京王
存抗聲薦前曰韓維得罪莫知其端臣切為朝廷惜
之乃還維資政殿
大學士知鄆州

八月罷崇政殿說書程頤

頤在經筵以禮法自持每進講色甚莊繼以諷諫蘇
軾謂其不近人情深嫉之每加玩侮於是頤門人右
司諫賈易左正言朱光庭等積不能平劾軾試館職
策問謗訕殿中侍御史呂陶言臺諫當徇至公不可
假借事權以報私隙右司諫王觀言軾命辭失輕重
其事小不足考若悉考同異深完嫌疑則兩歧遂分

使士大夫有朋黨之名大患也太后然之范純仁亦言軾無罪遂置不問會帝患瘡症不出願詣宰臣問知否且曰上不御殿太后不當獨坐人主有疾而大臣可不知乎翌日宰臣以願言問疾由是大臣亦多不悅御史中丞胡宗愈左諫議大夫孔文仲給事中顧臨遂連章力詆願不宜在經筵乃罷願出管勾西京國子監時呂公著獨當國羣賢咸在朝不能不以類相從遂有洛黨蜀黨朔黨之語洛以願為首而朱光庭賈易為輔蜀黨以蘇軾為首而呂陶等為輔朔黨以劉摯梁燾王巖叟劉安世為首而輔之者尤衆是時熙豐用事之臣退休散地怨入骨髓陰伺間隙而諸賢不悟各為黨比以相訾議惟呂大防秦人懇直無黨范祖禹師司馬光不立黨既而帝聞之以問胡宗愈宗愈對曰君子指小人為姦則小人指君子為黨陛下能擇中立之士而用之則黨禍熄矣因著君子無黨論以進

發明

臣嘗以元祐之事觀之哲后在上而言聽計從賢人在下而恊心補治此正大有可為之

時也然而韓維以說愆罷程頤以嫌隙黜何也蓋頤在經筵以禮法自治進講色莊繼以諷諫獲軼以不近人情而嫉胡宗愈等以不宜在經筵而譖此皆君子之類自相攻訐求其不罹小人之禍蓋亦難已君子和而不同寧肯少貶以徇人哉觀於此可以占世道之升降耳直書於冊深惜之也

廣義

夫禮也者天禮之節又人事之儀則也用之於家而家齊用之於國而國治用之於天下

而天下平況乎朝廷之上有君焉以相臨有臣焉以相事發號施令諫爭納誨鄙俞吁咈于一堂之上豈可一日而非禮耶不然則狎侮之心生褻慢之意起君不君臣不臣其患益有不可勝言者矣竊軼以其不近人情宜知伊川之禮正所以合乎人情者哉故曰道也者不可須臾離也可離非

道也。載為此語，是誠齊東之言矣。孰謂載為知道之人哉？綱目書曰：罷崇政殿說書程頤者，以見伊川無罪可罷而罷之。所以著當時君相之失也。嗚呼！元祐元年三月，召伊川為崇政殿說書。至是罷之，僅一年有奇耳。伊川得君行道之日，何其促之若是邪？是知伊川之罷，非伊川之不幸，乃哲宗之不幸也。

吐蕃阿里庫誘果莊使據洮，以叛岷州將种誼執之，檻送京師。

棟戡既死，養子阿里庫嗣為熟川首領，逼果莊使种誼據洮河岷州行營將种誼等帥師執果莊，檻送于京師，尋赦之，遣居秦州，招其子嘉勛幹磋及部屬以自贖。阿里庫懼，乃上表謝罪。

罷右司諫賈易

時程頤蘇軾交惡其黨互相攻訐易因劾呂陶黨軾兄弟語侵又劾博範純仁太后怒欲峻責易呂公著言易言頗直惟詆大臣太甚不可遽諫列耳乃止罷知懷州公著退語同列曰諫官所言未論得失顧主上方富於春秋異時有導諛惑上心者正賴左右力諫不可使人主輕厭言者呂大防劉摯王存私顧而嘆曰呂公可謂仁者之勇

發明

陸贄曰君天下者必以天下之心為心而不私其心志以天下之耳目為耳目而不私其耳目

目故能通天下之志盡天下之情是時程頤蘇軾漫成疑貳洛蜀二黨互相攻訐則是君子自為矛者矣賈易職當言責理宜繩愆言而不聽復為黜罷謂之何哉噫人君莫大乎聽言而罷司諫之臣

其失己甚故書罷賈易而不
去其官傷時之意亦深切矣

戊辰
三年春正月復置廣惠倉

廣義

廣惠倉田韓魏公義起者也神宗熙寧四年
王安石請粥之則是廣惠之思絕於民之老
幼貧疾不能存者久矣至是始復之所以見哲宗
思及無告所謂有志於民者也直書於冊美自見
矣

夏四月以呂公著為司空同平章軍國事

公著以老懇辭位乃拜司空同平章軍國事詔建第
於東府之南啟此扉以便執政會議凡三省樞密院
之職皆得總理間日一朝因至都堂其出不以時蓋
異禮也國初以來宰相以三公平章軍國事者四人

而公著與父夷簡居其二世美其榮時熙豐用事之
臣雖去其黨分布中外起私說以搖時政鴻臚丞常
安氏貽公著書曰善觀天下之勢猶良醫之視疾方
安寧無事之時語人曰其後必將有大憂則衆必駭
笑惟識微見幾之士然後能逆知其漸故不憂於可
憂而憂之於無足憂者至憂也今日天下之勢可為
大憂雖登進忠良而不能搜至海內之英才使皆萃
於朝以勝小人恐端人正士未得安枕而卧也故去
小人為不難而勝小人為難陳蕃竇武協心同力選
用名賢天下想望太平然卒死曾節之手遂成黨錮
之禍張柬之五王中興唐室以為度流萬世及武三
思一得志至於竄移淪沒凡此者皆前世已然之禍
也今怨怨已積一發其害必大
可不為大憂乎公著得書默然

以呂大防范純仁為尚書左右僕射兼門下中書侍郎

孫固劉摯為門下中書侍郎王存胡宗愈為尚書左右丞趙瞻簽書樞密院事

大防朴厚恣直純仁務以博大開上意忠厚草士風
二人同心戮力以相王室太后復盡心委之故元祐
之治比隆嘉祐時黨論方起純仁慮之會右諫議大
夫王觀以胡宗愈進君子無黨論惡之因疏宗不可
執政太后大怒純仁與文彥博呂公著辨於簾前太
后意未解純仁曰朝臣本無黨但善惡邪正各以類
分彥博公著皆累朝舊人豈容雷同因上昔先臣與
韓琦富弼同慶歷柄任各舉所知當時飛語指為朋
黨三人相繼補外造謗者共相慶曰一網打盡矣此
事未遠願陛下戒之因極言前世朋黨之禍並錄殿
陽修朋黨論上之然竟出觀
知潤州而宗愈居位如故

冬閏十二月蜀公范鎮卒

初起鎮提舉中太乙宮兼侍讀且欲以為門下侍郎
鎮雅不欲起從孫祖禹亦勸止之遂固辭不拜以銀
青光祿大夫再致仕卒諡忠文鎮清白坦夷恭儉慎
默篤於行義口不言人過臨大節決大義色和而語
莊常欲繼之以死雖在萬乘前無所屈其學本六經
口不道佛老中韓之說契丹高麗皆傳誦其文熙寧
元豐之際天下賢士大夫望以為相者鎮與司
馬光二人至稱之曰景仁君實不敢有所軒輊

己巳四年春二月東平公呂公著卒

公著薨年七十二太皇太后見輔泣泣曰邦國不幸
司馬相公既亡呂司空復逝帝亦悲感即詣其家臨
奠贈太師封中國公諡正獻公著自少講學即以治
心養性為本平居無疾言遽色於聲利紛華泊然無

所好簡重清淨益天稟然其識慮深敏量宏而學粹
遇事善決苟便於國不以利害動其心與人交出於
至誠好德樂善見士大夫以人物為意者必問其所
知與其所聞參互考實以達於上每議政事博采衆
善以為善至所當守則毅然不可回奪神宗嘗言其
於人材不欺如權衡之稱物尤能避遠聲迹不以知人
自處王安石傳辨騁辭人莫敢與亢公著獨以精識
約言服之安石嘗曰疵吝每不自勝一詣長者即發
其敬服
如此

發明

司馬光呂公著均為宰相熟業炳然光卒而
具其官爵公著卒而不具其官則二人之賢

否優劣亦畧可見矣此

綱目書法之深意也

三月胡宗愈免

中丞孫覺右正言
劉安世等論之也

夏四月分經義詩賦為兩科試士罷明法科

尚書省請復詩賦與經義兼行解經通用先儒傳注
及已說入言舊明法最為下科今中者即除司法叙
名反在及第進士上非是乃詔立經義詩賦兩科罷
試律義凡詩賦進士習一經試本經論孟義及詩賦
論策凡四場經義進士習兩經試本經論孟義及論
策亦四場兩科通定高下而取解額中於之名占其
半專經者以經義定取舍兼詩賦者以詩賦為去留
其名次高下則於策論參之初司馬光言取士之道
當先德行後又學就文學言之經術又當先於詞章神
宗專用經義論策取士此乃復先王今典百王不
易之法但王安石不當以一家私學欲蓋先儒今天
下師生講解至於律令皆當官所須使為士者果能

知道義自典法律冥合何必置明法一科習為刻薄
非所以長育人材敦厚風俗也至是始罷之未幾詔
御試舉人仍試

賦詩論三題

發明

明法者欲士之習於刑名也凍水司馬氏曰
取士之道當先德行而後又學至於律令皆

當官所須使為士者果能知道義自典法律冥合
何必置明法一科習為刻薄非所以長育人材敦
厚風俗也嗚呼以之設科取士豈不大壞學者之
心術哉特書罷明法科則其予久之之意益可見矣
廣義 人材者致治之利器經義乃造就人材之公
器也以公器而成就人材譬之用規矩繩墨
以正梓材也為往而不可或乃若安石以私學而
取士則是未規矩繩墨而求其材之成也又為往
而可哉中庸曰愚而好自用賤而好自專生乎今
之世反古之道災及其身者也其安石之謂乎

五月以范祖禹為右諫議大夫兼侍講

祖禹初從司馬光修資治通鑑在洛十五年不事進取王安石尤愛重之祖禹終不往謁帝即位擢右正言以婦翁呂公著當國引嫌辭職再改著作即兼侍講會夏暑權罷講筵祖禹上言陛下今日之學與不學係他日治亂好學則天下君子欣慕願立於朝以直道事陛下輔佐德業而致太平不學則小人皆動其心務為邪諂以竊富貴且凡人之進學莫不於少時今聖質日長數年之後恐不得如今日之專竊為陛下惜也公著薨始除右諫議大夫尋加禮部侍郎開禁中覓乳媪以帝年十四非近女色之時與左諫議大夫劉安世上疏勸進德愛身又乞太皇太后保護聖躬言甚切至太后謂曰乳媪之說外間虛傳也祖禹對曰外議雖虛亦足為先事之戒凡事言於未然則誠為是及其已然則又無所及言之何益陛下寧

受未然之言勿使臣等有
無及之悔太后深嘉之

廣義

諫職講官乃天下治亂君德修否之所繫者
也書曰以范祖禹為右諫議大夫兼侍講雖

曰又無美辭而其得
人之美自在其中矣

安置蔡確於新州

確失勢日久遂懷怨望在安州嘗遊車蓋亭賦詩十
章知漢陽軍吳處厚與確有隙上之以為皆涉譏訕
其用却處俊上元間諫高宗欲傳位武后事以斥東
朝語尤切害於是臺諫言確怨謗乞正其罪確具
折確自辨甚悉右正言劉安世等又言確罪狀著明
何待具折此乃大臣委曲為之地耳乃貶確光祿卿
分司南京臺諫論之不置而諫議大夫范祖禹亦言
確之罪惡天下不容尚以列卿外務留都未厭衆論

執政議真確於法范純仁王存獨以為不可力爭之
文彥博欲貶確嶺嶠純仁間之謂呂大防曰北路自
乾興以來荆棘近七十年吾輩聞之恐自不免大防
遂不敢言越六日再貶確英州別駕新州安置純仁
又言於太后曰聖朝宜務寬厚不可以語言文字之
間曖昧不明之過竄誅大臣今舉動宜為將來法此
事甚不可開端也且以重刑除惡如以猛藥治病其
過也不能無損焉不聽時中丞李常中書舍人彭汝
礪侍御史盛陶皆諫不可罪確悉貶遠州確至新州
未幾卒初確之具析未上也梁燾自潞州召為諫議
大夫過河陽邢恕極論確有策立勲燾至奏之太后
諭三省曰帝是先帝長子子禮父業其公當然確有
何策立勲耶若使確他日復來欺罔上下豈不為朝
廷害恐帝年少制御不得致令因其自敗如此行實
蓋為社稷也

發明

確固小人前既既黜茲因吳處厚之私怨遂復安置新州夫以曖昧不明之過竄誅大臣

亦失忠厚之道矣故書安置而

不著所坐宗誦之以不以罪也

廣義

竄逐奸邪當以安世之言為正易曰公用射準于高墉之上書曰去邪勿疑若純仁輩者

其有味

於此哉

六月范純仁王存罷

呂大防言蔡確黨盛不可不治純仁面諫朋黨難辨恐誤及善人司諫吳安詩正言劉安世因論純仁

黨確純仁亦力求罷政乃出知潁昌

府存確所舉也故亦出知蔡州

以趙瞻同知樞密院事韓忠彥許將為尚書左右丞

忠彥琦
之子也

秋七月安燾罷

以母喪
去位也

冬十一月以孫固知樞密院事劉摯傳亮俞為門下中

書侍郎

庚午五年春二月夏人來歸求樂之俘詔以米脂等四砦

界之

夏人來歸求樂所獲吏士百四十九人遂詔以
米脂葭蘆浮圖安疆四砦還之夏得地益驕

發明

來歸者夏人心服而歸之也因其歸俘界之四若則其綏懷遠人之心至矣宋人恃甲兵

之力百戰而得四若則其不義從可知焉今夏人慕義來歸永樂之俘不因此而界之四若則兵連禍結何以服來降之心哉故詳書予之共與春秋書齊人來歸鄆謹龜陰田同義

文彥博致仕

彥博復居政府無歲不求去會殿中侍御史賈易言彥博至和建儲之議不可信太后命付史館彥博並求罷乃以太師充護國軍山南西道節度等使致仕令有司備禮冊命宴餞於玉津園先是遼使即律求昌來聘燕戰館之與永昌入覲見彥博於殿門外却立改容曰潞公也即問其年曰何壯也載曰使若見其容未聞其語其總理庶務雖精練少年有不如其貫穿古今雖專門名家有不逮永昌拱手曰天下

異人也

廣義

抑考路公於元豐六年十一月以太師致仕後於哲宗元祐元年四月復詔起平章軍國

重事班宰相上則人臣之位極矣朝廷之恩篤矣然而路公無歲不求去者蓋其心即伊尹罔以龍利君成功之心也若夫安石要君而患得患失者其賢不肖如何耶

三月趙瞻卒以韓忠彥同知樞密院事蘓頌為尚書左

丞

忠彥嘗與傅亮俞許將論事不合俱求罷政殿中侍御史上官均言大臣之任同國休戚廟堂之上當務協諧使中外之民泯然不知有同異之迹若悻悻然辨論不顧事體何以觀視百僚亮俞等雖有辨論之

失然事皆緣公無顧惡大
過望令就職太后從之

夏四月孫固卒

固宅心誠粹不喜矯亢與人居久而益信故更歷災
險而不為人所疾害傳堯俞言司馬公之清節孫公
之淳德蓋所謂不言而
信者也世以為確論

秋八月召鄧潤甫為翰林學士承旨罷御史中丞梁燾
諫議大夫劉安世朱光庭

初潤甫以母喪終制除吏部尚書梁燾權給事中啟
之改知亳州至是復以承旨召燾為中丞與左諫議
大夫劉安世右諫議大夫朱光庭交章論潤甫出入
王呂黨中始終反覆令之進用竇繫君子小人消長

之機又言潤甫當為蔡確制稱確有定策之功以欺
惑天下乞行罷黜累疏不報素等因力請外乃出素
知鄜州光祿知亳州安世提舉崇福宮時劉摯上疏
請暫出潤甫留素等藉轍亦三疏論之皆不報自司
馬光卒後王安石之徒多為乖語以搖在位大臣為
自全計呂大防范純仁二相尤畏之欲用其黨以平
舊怨謂之調停太后疑不決轍復上疏曰先帝疾類
靡之俗將以綱紀四方而臣下不能將順作違諸法
上逆天意下失民心今二聖因民所願取而更之上
下忻慰前者用事之臣不如斥逐宥之於外蓋已厚
矣而議者惑於衆說乃欲招而納之與之共事此輩
若反豈肯但已哉必將戕害衆人以快私忿人臣破
禍益不足言臣所借者祖宗朝廷也疏入太后曰轍
疑吾君臣兼用邪正其言極中理諸臣從而和之調
停之說
遂已

發明

立之醒賢不戒於羣陰盛長之際而戒於一陰方生之時其故何歟然一陰雖微其勢必

盛與其慮之於終曷若謹之於始非慮其一陰之進慮其羣陰連類而進耳故易曰馴致其道至堅冰也潤甫乃王呂之黨其心非端謹之徒今而召用竇紫君子小人消長之機宗社生民休戚之寄是以梁肅等交章切諫則其防微杜漸之意深矣不惟不聽而又罷之是蓋用一小人退衆君子抑何可以服天下哉綱目上書召鄧潤甫下書罷梁肅等則不再貶而其義自見

冬十二月許將卒

六年春二月以劉摯為尚書右僕射兼中書侍郎兼轍為

尚書右丞王巖叟簽書樞密院事

轍除命既下右司諫楊康國奏曰轍之兄弟謂其無文學則非也蹈道則未也其學乃學為儀秦者也其文率務馳騁好作為縱橫捭闔無安靜理陛下若悅蕪轍文學而用之不疑是又用一安石也轍以文學自負而剛狠好勝則與安石無異不報巖叟居言職五年正諫無隱及拜簽樞密謝因進曰太后聽政以來納諫從善務合人心所以朝廷清明天下安靜願信之勿疑守之勿失復進言於帝曰陛下今日聖學當深辨邪正正人在朝則朝廷安邪人一進便有不安之象非謂一夫能然蓋其類應之衆上下蔽蔽不覺養成禍胎爾又曰或聞有以君子小人參用之說告陛下者不知果有之否此乃深誤陛下也自古君子小人無參用之理聖人但云君子在內小人在外則泰君子在外小人在內則否小人既進君子必引類而去若君子與小人競進則危亡之基也兩宮然深之

夏五月朔日食○六月浙西水

杭州死者五十萬燕州死者三十萬
詔賜米百萬石錢二十萬緡賑之

發明

日者人君之表水者陰沴之形是皆陰盛陽
微之象政事舛錯之徵是時刻革故弊朝廷

清明而災異疊見者何也意者君子小人迭為消
長而天心仁愛特謹告焉君天下者苟能因
此而警懼之峻小人出入之防嚴政事無衰之略
然後天變可弭人心可格天下可治矣惜乎哲宗
不足以
語此

翰林學士承旨蘇軾罷

初軾以論事為衆所忌趙挺之王觀攻之遂出知杭
州未幾召還侍御史賈易復劾元豐末在揚州聞

先帝厭代作詩及草呂惠卿制皆誹怨先帝無人臣
禮御史中丞趙君錫亦繼言之太后怒罷易知宣州
君錫知鄭州呂大防請並貶兩
罷乃出貶知頤州尋改知揚州

秋七月復制置解鹽使

詔解鹽復

許通商

冬十一月罷劉摯知鄆州

摯性峭直有氣節不為利誘威怵自初輔政至為相
修嚴憲法辨白邪正專以人物處心孤立一意不受
請謁與呂大防同位國家大事多決於大防惟進退
士大夫實執其柄然持心少恕勇於去惡竟為朋讒
奇中遂與大防有隙先是蔡確之貶祁恕亦謫永州
酒稅嘗以書抵摯摯故與恕善荅其書有永州佳處

第往以俟休復之語排岸官茹東濟得其書陰錄以示中丞鄭雍殿中侍御史楊畏二人方附呂大防因箋釋其語上之曰休復者語出周易以俟休復者俟他日太皇太后復子明辟也又章惇諸子故與摯子游摯亦間與之接雍畏謂延見接納為牢籠之計以覲後福且論王巖叟梁燾劉安世朱光庭等三十人皆其死友太后於是面諭摯曰言者謂卿交通匪人為異日地卿當一心王室若章惇者雖以宰相處之未必樂也摯惶恐退上章自辨而梁燾王巖叟果上疏論救之太后曰垂簾之初摯斥排姦邪竇為忠直但此二事非所當為也遂罷知鄆州給事中朱光庭駁之曰摯忠義自奮朝廷擢之大位一旦以疑而罷天下不見其過言者以光庭為黨亦罷知亳州

廣義

劉摯之罷實大防為之也若大防者其於包荒之量有愧焉

中書侍郎傅堯俞卒

堯俞重厚寡言遇人不設城府人不忍欺論事君前
畧無回隱退與人言不復有驚異色素與王安石善
熙寧初自知廬州入京時方行新法安石謂之曰舉
朝紛紛俟君來久矣將以待制諫院處君堯俞曰新
法世以為不便誠如是當極論之安石怒遂不用司
馬光嘗謂邵雍曰清直勇三德人所難兼吾於欽之
畏焉雍曰欽之清而不耀直而不激勇而能溫是為
難耳欽之堯俞字也及卒太后謂輔臣曰傅侍郎清
直一節始終不變金玉君子也

方倚以為相遽至是乎謚獻肅

發明

堯俞重厚寡言論事畧無回隱太后稱其清
直一節始終不變誠賢臣也故卒而具官所

以源子
之耳

申壬 七年春三月以程頤直秘閣判西京國子監既而罷

之

頤服闋三省擬除館職判檢院蘇轍進曰頤入朝恐不肯靜太后納之遂差管勾崇福宮頤亦懇辭訖不就職范祖禹言頤經衍行義天下共知司馬光呂公著豈欺國者耶但草茅之人未習朝廷事體則有之寧有他故如言者所指哉乞召勸講必有補聖明不聽

發明

甚矣君子之道難行而小人之姦易售也昔者頤在講筵而蘇軾以不近人情譖茲者頤

直秘閣而蘇轍以恐不肯靜沮則是蘇氏兄弟相讎擯頤何也蓋由程子剛正不阿羣而不黨是先有以見絕於人云耳殊不知君子而遇君子則道同志合其利斷金心乎意契矣小人而遇君子則

心背神馳疾如芒刺勢猶永戾矣故夫
書既而罷之所以致其惜之之意焉

癸明

向之君子小人一疏固足以見子由之正數
則抵今伊川亦足以見子由之邪嗚呼人心

操舍無常可不畏哉雖然伊川不過哲
宗天也蘇氏之子焉能使伊川不過哉

夏四月始補六禮立皇后孟氏

后洛州人馬軍都虞候元之孫帝年益壯大皇太后
歷選世家女百餘入宮后年十六大皇太后及太后
皆愛之教以女儀至是太皇太后諭執政曰孟氏女
能執婦禮宜正位中宮命學士草制又以近世禮儀
簡畧詔翰林臺諫給舍與禮部官議冊后六禮以進
遂命呂大防兼六禮使韓忠彥奉迎使蘇頌王巖
叟充發冊使蘇轍趙宗景充告期使高密郡王宗晟范
百祿充納成使王存劉奉世充納吉使梁燾鄭雍充

納采問名使帝御文德殿冊為皇后太皇太后語帝曰得賢內助非細事也既而嘆曰斯人賢淑惜福薄耳異日國有事變必此人當之

發明

夫婦人倫之大綱皇后天下之共冊其禮至重固不可忽古者六禮備然後醮六禮者何也蓋發冊告期納成納吉納采問名是也太后以六禮而立孟后其亦自我作古者矣故特書曰始以見示世未嘗舉行至是而始行之也雖然綱目書之非惟正孟后之始亦宜正孟后之終而哲宗他日亦不可得而擅廢云耳其謹微之意深焉

五月王巖叟罷

言者論巖叟拔劉摯為朋黨出知鄭州

遼女真部節度使和哩布死

和哩布疾篤呼弟英格謂曰烏雅舒柔善若辦集契丹事可古達能之遂卒母弟頗拉淑襲為節度使和哩布嚴重多智每戰未嘗被甲襲位之初內外潰叛和哩布乃因敗為功變弱為彊破和諾克薩塔烏春烏木罕基業始大初建官屬統諸部其官之長皆稱貝勒焉和哩布有子十一人烏雅舒其長可古達其也次

六月以蘇頌為尚書右僕射兼中書侍郎蘇轍為門下侍郎范百祿為中書侍郎梁燾鄭雍為尚書左右丞韓忠彥知樞密院事劉奉世簽書院事○秋八月陝西地

震

永興軍蘭州鎮戎
軍環州地皆震

發明

地震而必書記大異也地不能自震必逆氣
交并然後為之震動耳時小人進長之機已

萌誠泰將極而否欲來之時也故災異之發先為
譴告焉朱子曰王者知有天而畏之言行必信政
教必立喜怒必公用舍必當黜陟必明賞罰必行
而兢業無怠也苟不畏天肆行無厭則天怒民怨
天下亦不能善保矣又安能望其民之歸從
哉綱目遇異必書謹天變之意於斯可見

九月召蘇軾為兵部尚書兼侍讀

軾自揚州召為兵部尚書兼侍讀尋又遷禮部尚書
明侍讀二學士御史董敦逸黃慶基言揚為中書舍

人時草呂惠卿劄謂指斥先帝其弟繼相為表裏以
紊朝政呂大防奏曰先帝欲富彊中國鞭撻四夷而
一時羣臣將順太過故事或失當太皇太后與皇帝
臨御罔民所欲隨事裁改蓋理之當然比來言官用
此以中傷士人兼欲搖動朝廷意極不善繼亦為凡
辨所撰惠卿謫詞其言及先帝者有曰始以帝堯之
仁姑試伯鯀終為孔子之聖不信宰予初非謗詎先
帝太后曰先帝逆悔往事至於泣下大防曰先帝一
時過舉非其本意太后曰此事官家宜深知於是罷
敦速慶基為湖北福建路轉運判官未幾貳亦罷知
州定

癸酉 八年春三月蘇頌范百祿罷

先是侍御史賈易坐言事出既復監司吏敕除知蘇
州頌謂易在御史名敕言不宜下遽於簾前爭之時

殿中侍御史楊畏來之即附呂大防薦轍即劾頌稽
留詔命頌遂上章辭位乃罷為觀文殿學士集禧觀
使頌罷局閑遠以禮法自持為相務在奉行故事使
百官守法遵職量能授任杜絕僥倖之原深戒疆場
之臣邀功生事論議有未安者毅然力爭之見帝年
幼諸臣太紛紜嘗曰君長誰任其咎每大臣奏事但
取決於太后帝有言或無對者惟頌奏后已必再稟
帝或有所宣諭必告諸臣以聽照語帝深重之百
祿生與頌同職事畏等累
章劾之遂罷知河中府

廣義

大防既罷劉摯美今又罷薦頌則知大防不
惟有愧於休休有容之臣其實流於媚嫉忌

能之夫矣味諸
公註其義始得

夏六月梁燾罷

夏人自得四若累遣使以地界為言詔二府議素與同列語不合遂乞去帝不許至是以疾罷素自立朝一以引拔人物為意嘗作為士錄具載姓名或曰公所植桃李來時而發但不向人開耳素笑曰素出入侍從致位執政八年之間所薦用之不盡負愧多矣帝以素求去遣近臣密訪人材素具奏訪人材可大任者陛下當自知之但須識別邪正公天下之善惡固任舊人中堅正純厚有人望者不牽左右好惡之言以移聖意天下幸甚帝然之

發明

觀於註備載梁素之事則知素乃難進易退之君子也豫之介石素其有焉

秋七月以范純仁為尚書右僕射兼中書侍郎

純仁入謝太后謂曰或謂卿必先引用王觀彭汝礪卿宜與呂大防一心對曰此二人實有士望臣終不

敢保位蔽賢望陛下加察純仁之將召也殿中侍御史楊畏附燕微欲相之用與來之邵上疏論純仁不可復相乞建用章惇安燾呂惠卿不報及純仁視事呂大防欲引畏為諫議大夫以自助純仁以畏不端不可用大防曰豈以畏當言相公耶燕輒即從旁誦其彈文純仁初不知也已而竟遷畏禮部侍郎

八月京東西河南北淮南水○九月太皇太后高氏崩

太皇太后不豫呂大防范純仁等問疾太皇太后曰試言九年間曾施恩高氏否只為至公一男一女病且死皆不得見言訖泣下又曰老身沒後必多有調戲官家者宜勿聽公等亦宜早退令官家別用一番人乃呼左右賜社飯曰明年社飯時思量老身也尋崩太后聽政召用故老名臣罷廢新法計政舉邊若之地以賜西夏於是宇內復安遼主戒其臣下令勿生事於疆場曰南朝盡行仁宗之政矣有司請備天

歷故事帝后皆御殿又請受冊寶於文德殿太后曰
母后當陽非國家美事況天子正衙豈所當御就崇
政足矣臨朝九年朝廷清明華夏綏定力
行政事抑絕外家私恩人以為女中堯舜

發明

水者陰逆而興怨氣并之所致是時數郡同
曰而水其異甚矣蓋水乃陰物而小人乃陰

類太后既崩哲宗親政熙豐小人次第而復起卒
致天下壞亂浸不能拔豈不深可惜哉上書水而
下書太后崩則其義尤明且切若然後可知天變
不屢生乖異不安作感於下必見於上矣綱目比
事書之其旨如此
觀者不可不知也

冬十月帝始親政詔內侍劉瑗等復入內給事

太后既崩中外洵洵人懷顧望在位者畏懼莫敢發
言翰林學士范祖禹慮小人乘間害政上疏曰陛下

方攬庶政延見羣臣此國家隆替之本社稷安危之機生民休戚之端君子小人進退消長之際天命人心去就離合之時也可不畏哉先后有大功於宗社有大德於生靈九年之間始終如一然羣小怨恨亦不為少必將以改先帝之政逐先帝之臣為言以事離間不可不察也唯剖析是非深拒邪說有以奸言惑聽者付之典刑痛懲一人以警羣惡則恬然無事此等既誤先帝又欲誤陛下天下之事豈堪小人再破壞耶時蘓軾方具疏將諫及見祖禹奏曰經世之文也遂附名同進而毀己草疏入不報會有旨召內侍劉瑗等十人復職祖禹又諫曰陛下親政以來未聞訪一賢臣而所召乃先內侍四海必謂陛下私於近習不可弗聽己而祖禹復請對曰熙寧之初王安石呂惠卿造立新法悉變祖宗之政多引小人以誤國黜舊之臣屏棄不用忠正之士相繼遠引又用兵開邊結怨外夷天下愁苦百姓流徙賴先帝覺悟罷

逐兩人而所引羣小已布滿天下不可復去蔡確連
起大獄王韶創取熙河章惇開五溪沈起擾交管沈
括徐禧俞允種諤興造西事兵民死傷者不下二十
萬先帝臨朝惇謂朝廷不得不任其咎以至吳居
厚行鐵冶之法於京東王子京行茶法於福建蹇周
輔行鹽法於江西李稷陸師閔行茶法市易於西川
劉定教保甲於河北民皆愁痛嗟怨比屋思亂賴陛
下與先后起而拯之天下之民如解倒懸惟是向來
所斥逐之人窺伺事變妄意陛下不以修改法度為
是如得至左右必進姦言萬一過聽而復用之臣恐
國家自此陵遲不復振矣

發明

書始親政者八年之政自太后出也嗚呼哲
宗春秋鼎盛矧當親政之初正天下政事與
廢之時君子小人消長之際是宜勵精圖治確守
成憲清淨玄默毋敢怠荒夫何親政之初未遑他

務而亟召閣人入內給事豈璦等為賢而賴以經綸天下耶噫其志亦闇矣宜寺乃小人之媒孽觀其召宜寺入內凡可知姦邪彙進之機當時毋敢言者惟范祖禹反覆曉告哲宗不省蓋由立心不臧而邪氣乘之故耳易曰幾者動之微吉凶之先見者也即此而觀則人心世變可推矣直書於冊其義自見

廣義

范蕪二公之疏可謂先見之明而忠貫日月者也哲宗不能信用惜哉厥後羣小彙進端人說輟而貽禍幾宗者皆哲宗有以致之也書曰啟佑我後人詩曰詒厥孫謀有國者不可以不慎

十二月范純仁乞罷政不許

初太皇太后寢疾召純仁曰卿父仲淹可謂忠臣在明肅垂簾時唯勸明肅盡毋道明肅上賓唯勸仁宗

盡子道卿當似之純仁泣曰敢不盡忠及帝親政純
仁乞避位帝語呂大防曰純仁有時望不宜去可為
朕留之且趣入覲帝問先朝行青苗法如何純仁對
曰先帝愛民之意本深但王安石立法過甚激以賞
罰政官吏急切以致民害退而上疏其要以為青苗
非所當行行之終不免擾民也時羣小力排太后時
事純仁奏曰太皇保佑聖躬功烈誠心幽明共鑒議
者不恤國是一何薄哉因以仁宗禁言明肅垂簾時
事詔書上之曰望陛下稽倣而行以戒薄俗韓忠彥
亦言於帝曰昔仁宗始政羣臣亦多言章獻之非仁
宗惡其持情近薄下詔戒飭陛下能法仁祖則善矣帝不納

復章惇呂惠卿官貶樞密都承旨劉安世知成德軍

呂大防為山陵使甫出國門揚畏首叛大防上疏言
神宗更法立制以垂萬世乞賜講求以成繼述之道

帝即召對詢以先朝政臣孰可召用者畏遂列上章
惇安燾呂惠卿鄧潤甫李清臣等行義各加題品且
言神宗所以建立法度之意與王安石學術之美乞
召章惇為相帝深納之遂復惇惠卿官安世諫以為
未可出知

成德軍

發明

復者不宜復也章惇惠卿宗之大姦今復其
官則是大姦得路羣陰蒙進矣況哲宗處諫
陰之中擅改毋政不孝殊甚先儒有曰興王賞諫
臣逸王罰之劉安世以直言而貶謫果何謂哉蓋
由哲宗一念之偏而偏者則易入正者則難入自
此而後小人盡用新法盡復不至於天怒人怨四
海崩而不止也豈不深
可惜乎豈不深可惜乎

甲戌 紹聖元年春二月以李清臣為中書侍郎鄧潤甫為

尚書左丞

潤甫首陳武王能廣文王之聲成王能嗣文武之道以開紹述故有是命范純仁以時用大臣皆從中出言於帝曰陛下親政之初四方拭目以觀天下治亂實本於此舜舉皋陶湯舉伊尹不仁者遠縱未能如古人亦須極天下之選帝不納

發明

堯舜之揖遜後世之篡國者得以藉口湯武之弔代後世之叛君者得以藉口禹征有扈

而後世之嚙武者得以藉口周公誅管蔡而後世之殺同氣者得以藉口伊尹發太甲而後世之君者得以藉口潤甫首陳武王能廣文王之聲成王能嗣文武之道以開紹述故竊寵榮於戲小人之心素無羞恥故僻邪侈靡所不為苟欲逢迎其君雖吮癰舐痔而有所不恤豈顧其行己有恥見

義必為之道乎是以昏夜乞哀驕人白日由君子
觀之是誠搖尾乞憐之犬豕也故綱目特揭而書
之於冊所以深罪
當時垂戒後世耳

葬宣仁聖烈皇后○三月朔日食

不盡

如鉤

呂大防罷

大防立朝挺挺進退百官不可干以私不市恩嫉怒
以邀譽執政八年終始如一宣仁后時懇乞罷位后
曰上富於春秋公未可即去少須歲月吾亦就東朝
矣及后崩殿中侍御史來之邵遂探時音首劾大防
而大防亦自求
去帝亟從之

策進士罷門下侍郎蘓轍

廷試進士李清臣發策曰今復詞賦之選而士不知
勸罷常平之官而農不如富可差可募之說雜而後
法病或東或北之論異而河患滋賜土以柔遠也而
羌夷之患未弭弛利以便民也而商賈之路不通夫
可則因否則革惟當之為貴聖人亦何有必焉其意
蓋拙元祐之政也蘓轍諫曰伏見策題歷歲近歲行
事有紹復熙寧元豐之意臣謂先帝設施蓋有百世
不可改者元祐以來上下奉行未嘗失墜至於事或
失當何世無之又作於前子姦於後前後相濟此則
聖人之孝也漢武帝外事四征內興宮室財用匱竭
於是修鹽鐵榷酤均輸之政民不堪命幾至大亂昭
帝委任霍光罷去煩苛漢室乃定光武顯宗以察為
明以識決事上下恐懼人懷不安章帝深鑒其失代
之寬厚愷悌之政後世稱焉本朝真宗天書章憲臨

御攬大臣之議藏之梓宮仁宗聽政絕口不言笑宗
濮議朝廷洵洵者數年先帝寢之遂以安靜夫以漢
昭章之賢與吾仁宗神宗之聖豈其薄於孝敬而輕
事變易也哉陛下若輕變九年已行之事擢任累歲
不用之人懷私忿而以先帝為辭大事去矣帝覽奏
大怒曰安得以漢武比先帝轍下殿待罪衆莫敢救
范純仁從容言曰武帝雄才大畧史無貶辭轍以此
先帝非謗也陛下親事之始進退大臣不當如阿朮
奴僕鄧潤甫越次進曰先帝法度為司馬光蕪轍壞
盡純仁曰不然法本無獎獎則當改帝曰人謂秦皇
漢武純仁曰轍所論事與時也非人也帝為之少霽
轍平日與純仁多異至是謝曰公拂地位中人也竟
落轍職出知汝州及進士對策考官第主元祐者居
上禮部侍郎即楊長蘧考乃卷下之而以主熙豐者置
前列遂拔畢漸為第一自是
紹述之論大興國是遂變矣

發明

邵子曰用天下之目為目其目無所不觀矣用天下之耳為耳其耳無所不聽矣用天下

之心為心其心無所不言矣用天下之心為心其心無所不謀矣是時姦臣當朝發策試士其意蓋絀元祐之政也轍上章辯論切中時宜見忤羣邪遂遭罷絀抑何罪乎綱目有直書而義自見者觀於此類為可見耳吁

廣義

大抵君子與小人較而小人之必勝何也蓋小人視上之所向何如耳君子惟求其是而

不顧焉者也向使哲宗之向在蘇范則清臣之策敢出而潤甫之次敢越耶嗚呼哲宗待士求賢而所為悖謬若此則厥子之惑尚誰昭哉

以曹布為翰林學士承旨

初可馬光諭布增損役法布辭曰免役一事法令纖悉皆出己手遽自改易義不可為遂以戶部尚書出知大原府徙江寧過京留拜承旨

夏四月以張商英為右正言

帝初即位稍更新法之不便於民者商英時為開封推官上書言三年無改於父之道可謂孝矣今先帝陵土未乾即議變更得為孝乎復屢請執政求進且為諛詞貽燕戕求入臺呂公著聞之不悅出為河東提刑至是召為右正言商英在外十年憾元祐諸臣用極力攻之上疏言神宗盛德大業跨絕今古而司馬光呂公著劉摯呂大防援引朋儔敢行譏議凡詳定局之建明中書之勘會戶部之行違言官之論列詞臣之誥命無非指摘嗤笑剪除陛下羽翼於內擊逐股肱於外天下之勢岌岌殆矣今天日清明誅賞

未正乞下禁省檢索前後章牘付臣等看詳簽揭以上望陛下與大臣勛酌可否焉

廣義

哲宗即位之初使商英上疏曰新法之苦於民也人矣今陛下嗣大厯服之初而遂能改

之則其孝豈惟垂訓於天下抑將垂教萬世也聖人曰三年無改於父之道可謂孝矣此聖人但語其常耳如其非道何待三年先帝既為前臣之誤今陛下當奮乾綱舉前臣之誤先帝者各抵其罪則天下幸甚以此為言則商英必將流芳百世抑何自而遺臭萬年哉書曰以張商英為右正言則是用小人者哲宗也於商英乎何尤

貶蘓軾知英州

全臺復言軾撰呂惠卿誥詞訛謗先帝黜軾知英州范純仁諫曰熙寧法度皆惠卿附會王安石建議不

副先帝愛民求治之意至垂簾之際始用言者特行
詔已八年矣言者多當時御史何故畏避不即納
忠今乃有是奏豈非觀望耶帝不納未幾侍御
史虞策言貳罪罰未當又追一言惠州安置

詔改元

曹布上疏請復先帝政事且乞改元以順天意帝從
之改元祐九年為紹聖元年於是天下曉然知帝意
所向矣

發明

無故而改元則必有其說焉哲宗惑曾布之
說說以紹述為美談改元祐九年而為紹

聖元年意以新法為聖而繼繼之何異惡醉而強
其酒乎自安石變法民受其害卒而太后改正無
餘民欣欣然有若更生宗社熙熙然有司再造矣
哲宗心惑邪謀即以紹述為意悲夫司馬溫公曰

繼體之君謹守祖宗成法苟不聽之以逸欲敗之以
護諂則世世相承無有窮期蓋祖宗之法善之
者衆矣必紹述熙豐之弊
政乎特書改元深譏之也

罷翰林學士范祖禹

時帝欲相章惇祖禹言惇不可用帝不悅祖禹遂乞
郡乃知陝州祖禹在邇英守經據正獻納尤多每當
講前夕必正衣冠如在上側命子弟侍先事講其說
開列古義參之時按言簡而當義理明白熟軾稱為

講官
第一

以章惇為尚書左僕射兼門下侍郎范純仁罷

惇之被召也通判陳瓘從衆道謁之惇聞瓘名邀與
同載詢當世之務瓘因問惇曰天子待公為政敢問

何先惇曰司馬光姦邪所當先辨勢無急於此瑾曰公誤矣果爾將失天下之望惇屬聲曰光不務續述先烈而大改成緒誤國如此非姦邪而何瑾曰不察其心而疑其迹則不為無罪若指為姦邪又復改作則誤國益甚矣為今之計惟消朋黨持中道庶可以拯獎惇不悅帝既相惇純仁請去益力乃以觀又殿大學士出知潁昌府自帝親政純仁扶佑之力居多然羣邪間之不能盡行其言凡薦引人才必以天下公議其人不知自純仁所舉或曰為宰相豈可不牢籠天下士使知出於門下純仁曰但朝廷進用不失正人何必其知出於我耶

發明

先正曰公生明偏生暗甚矣哲宗之昏闇也章惇為世大姦素所知識斯人也以為守令

則虐民以為臺諫則嫉善以為監司則蔽賢以為宰相則欺主唯仁人放流之逆諸四夷不與同中

國可也安能使之宰正百官儀刑四海乎范祖禹
因諫不用而罷職范純仁恥與並立而求去則是
小人彙進君子彙退矣天下何由
而定哉綱目書此亦不得已焉耳

廣義

嗚呼當章惇赴召之時因陳瓘之讜言而絕
其醜類改行從善以輔哲宗則哲宗之感易
破而微欽之禍無自而貽矣否之初六曰拔茅茹
以其彙貞吉亨蓋謂小人同進其惡未形能戒而
吉則變而為君子矣惜
乎章惇不足以語此

召蔡京為戶部尚書以林希為中書舍人

章惇嘗言元祐初司馬光作相用蘇軾掌制所以能
鼓動四方安得斯人而用之或曰林希可會希赴成
都過闕惇欲使典書誥遲壽於元祐諸臣且許以為
執政希久不得志請甘心焉凡元祐名臣貶黜之制

復免役法

皆希為之極其醜詆至以老姦擅國之語陰斥宣仁
讀者無不憤歎一日草制罷擲筆於地曰壞名節矣

章惇請復行免役法置司講議久而不決戶部尚書
蔡京謂惇曰取熙寧成法施行之爾何以講為惇然
之雇役遂定差雇兩法司馬光章惇所見不同京再
莅其事成於反掌兩人相倚以濟識者有以見其姦
以蔡卞為國史修撰

元祐中史官范祖禹等修神宗實錄盡書王安石之
過以明先帝之聖蔡卞安石壻也上疏言實錄所紀
類多疑似不根乞重行刊定詔從之以卞兼同修國
史卞遂從安石從子防所求安石舊作曰錄文飾姦
偽芟落事實
盡改正史

發明

夫子繫否之象曰否之匪人不利君子貞大往小來則是天地不交而萬物不通也上下

不交而天下無邦也內陰而外陽內柔而外剛內小人而外君子小人道長君子道消也蔡京林希蔡卞皆一時之小人徽宗用之卒以覆國豈非哲宗有以啟之歟然則朝廷所用皆小人所行皆弊政哲宗既以紹述為名徽宗復以紹述為事卒致國祚顛危浸不可掇夫豈一朝一夕之故哉由辨之不早辨也綱目書此亦謹微之意云

廣義

公天下後世之是非者史也分註載蔡卞乞重行刊定詔從之噫刊定曰重者則是欲改

前之刊定者也是非得失果安在哉書之于冊取幾千古

閏月復以陸師閔等為諸路提舉常平官○罷十科舉

士法○以安燾為門下侍郎○貶吏部尚書彭汝礪知

江州

言者謂其附會劉摯也汝礪將行帝問所欲言對曰
陛下今所復者其政不能無是非其人不能無賢不
尚政惟其是則無不是人性其
賢則無不得失至郡數月而卒

發明

當是之時小人得志以一陽而處羣陰之中
反反乎碩象之象也汝礪為羣邪所妬貶知

江州則是非其罪矣
故書貶而不去其官

五月詔進士專習經義○罷制舉置宏詞科

三省上言今進士純用經義如詔誥章表等文皆朝
廷官守日用不可闕者若悉不為試之何以兼收文

學博異之士於是改置宏詞科歲詔進士登科者請
試試者雖多取無過五人詞格超異者特奏命官

劉奉世罷

奉世故之子也為人簡重有法度常云家世唯知事
君內省不愧恃士大夫公論而已得喪常理也譬如
寒暑知人雖善攝生者不能無病正須安以處之以
章惇用事力乞外乃出知成德軍

廣義

坤之六四曰括囊無咎無譽蓋言臣當守正
藏晦其知今奉世當羣陰用事而能奉身退
避其得坤之六四者與故書曰劉奉世罷以見罷
由奉世而非上之人得以罷之也其予之之意深
矣

鄧潤甫卒○以黃履為御史中丞

元豐末復為中丞與蔡確章惇相怨相交結每確惇有所嫌惡則使惇道風旨於履履即排擊之時謂之四凶為劉安世所論而出至是惇復引用俾報復仇怨元祐正臣無一得免者矣

廣義

堯舜之世四凶之外皆君子故四凶甘於竄死而無辭今也哲宗之世凶人滿朝豈止四

凶而已哉時人之論未為當也

六月除字說之禁○以曾布同知樞密院事○秋七月奪司馬光呂公著等贈諡貶呂大防劉摯蘇轍梁燾等官詔諭天下

黃履張商英上官均來之即等交章論司馬光等變更先朝之法畔道逆理章惇蔡卞請發光公著冢斷

棺暴尸帝問許將將對曰此非盛德事也帝乃止於是追奪光公著贈諡仆所立碑奪王巖叟贈官貶太防為秘書監擊為光祿卿轍為少府監並外司南京初李清臣冀為相首倡紹述之說以計去蘇轍范純仁王復青苗免役法及章惇至心甚不悅復與為異惇既貶司馬光等又籍文彥博以下三十人將悉竄嶺表清臣進曰更先帝法度不能無過然皆累朝元老若從惇言必大駭物聽帝乃下詔曰大臣朋黨司馬光以下各以輕重議罰其布告天下餘悉不問議者亦勿復言初朋黨論起帝曰梁燾每起中正之論其間陳排擊盡出公議朕嘗說之又曰蘇頌知君臣之義無輕議也由是頌獲免而燾止謫提舉舒州靈仙觀擊語諸子曰上用章惇吾且得罪若惇顧國事不憂恐百姓但責吾曹死無所恨正慮意在報復法令益峻奈天下何

發明

嗚呼小人之禍至是極矣君子之道至是蹇矣值昏瞶之世君曰驕而臣曰諂小人得志

以害君子私相攻訐以誣善良三綱頹圯九法淪斁而天下不可以復治生民不可以復安也司馬光呂公著等皆元祐正臣初無過舉矧今已故猶奪贈謚非至不仁者弗克忍為呂大防等既罷而又貶其官此皆已甚之事耳蓋小人私刻之心勝公恕之心亡是以疾良善如讐隙犯刑憲如飲食不至於己甚之事而不止是固治亂之大幾也君子不惟為司馬光等惜而尤為當世惜此事觀之其義

自見

廣義

嗚呼元祐諸賢之貶雖若與於羣虎而害賢之心實根於哲宗也君子尚可以立其朝乎

易曰履虎尾咥人凶武人為于大君其哲宗之謂乎

八月罷廣惠倉○復免行錢○冬十月以呂惠卿知大名府

監察御史常安民言北都重鎮而除惠卿惠卿賦性深險背王安石者其事君可知今將過關必言先帝而泣以感動陛下希望留京矣帝納之及惠卿至京請對見帝果言先朝事而泣帝正色不答計卒不施而去時論快之

十二月重修神宗實錄成安置范祖禹等于遠州

蔡卞進神宗實錄於是祖禹及趙彥若黃庭堅等並坐詆誣降官安置永澧黔州遷卞為翰林學士初禮部侍郎陸佃預脩實錄數與祖禹等爭辨大要是安石為之晦隱庭堅曰如公言蓋佞史也佃曰盡用君

意豈非謗書乎至是佃亦落職言者又以呂大防監修神宗實錄徙安州居住

發明

重修者不宜修也重修云者大抵挽邪為正辨曲作直上忠言者以為排謗進佞語者以

為嘉謀正人既沮正論不行天下否矣祖禹因修實錄茲復安置此蓋小人中傷善類之意也故夫上書重修神宗實錄下書安置范祖禹等于遠州則其權衡精審筆削謹嚴誠非宋史之舊文也故曰微君子莫能修之

二年春二月復保甲法○夏四月置律學博士○冬十月鄭雍罷○以許將蔡卞為尚書左右丞○贈蔡確太師諡忠懷

時確黨屢言確有定策功會馮京卒帝臨奠確子渭京塋也於喪次闌訴遂有是命

貶監察御史常安民監滁州酒稅

時蔡京深結中官裴彥臣安民因論之謂京姦足以惑衆辨足以飾非巧足以移奪人主之視聽力足以顛倒天下之是非內結中官外連朝士一不附已則誣以黨於元祐非先帝法必擠之而後已今在朝之臣京黨過半陛下不可不早覺悟而逐之他日羽翼成就悔無及矣是時京之姦始萌芽人多未測獨安民首發之又言今大臣為紹述之說皆借此名以報復私怨朋附之流遂從而和之張商英在元祐時上呂公著詩求進諫倭無恥近乃乞毀司馬光及公著神道碑周秩為博士親定光謚為文正近乃乞斷棺殮尸陛下察此輩之言果出於公論乎章疏前後至數十百上度終不能回遂丐外帝慰勉而已至是復

欽定四庫全書

卷八

論章惇頡國植黨乞收主柄而抑其權反覆曲折言之不置惇遣所親信語之曰君本以文學聞於時奈何以言語自任與人為怨少安靜當以左右相處安民正色斥之曰爾乃為時相游說耶惇益怒至是御史董敦逸論安民黨於蘇軾兄弟會安民言事忤旨惇遂出安民監滁州酒稅安肅救之不克

發明

涑水司馬氏曰切直之言非人臣之利乃國家之福是以人君夙夜求之惟弗得聞是時

小人用事君子道衰不用於時則已苟為時用奚肯緘默以取寵乎安民因論蔡京之姦而得解則是敗之非其罪矣詎有求治之君首塞言路尚可與論政事哉易曰天地閉賢人隱括囊無咎無譽蓋言慎也觀於此言則君子處衰亂之世烏可不審其去就也歟故綱目以無罪例書深惜之耳

廣義

君子處於羣邪之中固當以明哲保身為貴然則安民言官也烏可以例論哉故拯言羣

小人之惡而不顧者是其死
職之宜也安民其賢矣乎

左司諫張商英有罪免

商英黨章惇以攻安
燾帝不直之遂免

發明

枚乘曰忠臣不敢避誅以直諫故事無廢業
而功流於萬世也商英既任言責是宜獻可

替否激濁揚清然亦盡己之職非過分也夫何黨
於章惇以攻安燾則不惟失其職抑且肆其欺矣
故書左司諫張商英以明其失職書有罪免以明
其可免觀綱目之所書則疾惡之旨其嚴矣哉

廣義

商英小人也安燾君子也既免商英則安燾
不可罷今也不然於十月免商英於十一月

遂免安燾迹其所由益哲宗親小人之心多近君
子之心少故也故綱目於商英則書其官書有罪

所以著其不當居是職而又有黨惇之罪也然則於安燾而不書其官與其有罪者何蓋不書其官見其不能引身退避如劉奉世不書有罪者以其救常安民也此又不可不知

十一月安燾罷

燾與章惇為布衣交惇觀其助已而燾不下之遂有隙惇用白帖貶惇元祐臣僚燾言於帝帝疑之鄭雍欲為自安計謂惇曰王安石作相常用白帖行事惇大喜取其按牘懷之以白帝燾言不行惇怨益深及放常安民惇遂言燾與之表裏出知鄭州

貶范純仁知隨州

時呂大防等竄居遠州會明堂赦章惇豫言此數十人當終身勿徙純仁聞之憂憤欲申理所親勸其勿

獨起萬一遠斥非高年所宜純仁曰事至於此無一人敢言若上心遂回所繫大矣如其不然死亦何憾因上言大防等所罪亦因持心夫恕好惡任情連老氏好還之戒忽孟軻反爾之言然牛李之禍數十年論胥不解豈可尚遵前執願斷自淵表原教大防等疏奏章惇大怒遂落觀文殿大學士徙知隨州

丙子 三年春正月韓忠彥罷○二月女真伐赫舍哩部阿

蘇奔走

生女真節度使頗拉淑死弟英格嗣以兄和車子薩哈為國相時赫舍哩部阿蘇有異志英格召之阿蘇與部人穆都哩阻兵為難英格自往伐之至阿蘇城阿蘇聞之往訴於遼遼遣使止英格勿攻英格留和車子阿蘇城而還

發明

外邦相攻不書此何以書著女真漸強宋室凌夷之始也綱目謹微之意亦深切矣

秋七月竄范祖禹於賀州劉安世於英州

時劉婕妤專寵內庭章惇蔡京熈祖禹安世元祐中誅乳媼事以為斥婕妤也於是坐二人構造誣謗之罪謫受祖禹昭州別駕賀州安置安世新州別駕英州安置

廣義

嗚呼祖禹安世諫官也罪諫官不祥也考之范劉二公於元祐四年入諫至是紹聖三年

蓋十有一年矣而哲宗春秋則二十五年也人君當平富力强之日正當親君子遠小人今而一貶京惇之言而遽斥逐二公則哲宗拒諫又浮於神宗也謂之曰哲詎可信哉

九月廢皇后孟氏

劉婕妤嘗同后朝景靈宮訖事就坐嬪御皆立侍婕
妤獨背立簾下后閣中陳迎免呵之不顧閣中皆忿
會冬至朝太后於隆祐宮后座朱髥金飾婕妤亦欲
得之從者知其意易座與后等衆弗能平因傳唱曰
皇太后出后起立婕妤亦起尋復坐則或已殿婕妤
座遂仆於地慙不復朝泣訴於帝內侍郝隨謂婕妤
曰母以此戚戚顧為大家早生于此座正當婕妤有
也會后女福慶公主疾后有妣頗知醫嘗已后危疾
以故出入宮掖公主藥弗效持道家治病符水入治
后驚曰妣寧知宮中禁嚴與外間異耶令左右藏之
俟帝至具言其故帝曰此人之常情耳后即焚符於
帝前宮中相傳厭魅之端作矣未幾后養母聽宣夫
人燕氏尼法端為后構祠事聞詔入內押班梁從政
等即皇城司鞠之捕逮宦者宮妾三十人榜掠備至
肢體毀折至有斷舌者獄成命侍御史董敦速覆錄
罪人過庭下氣息僅屬無一人能出聲者敦速秉筆

疑未下郝隨等以言脇之數逐畏禍乃以奏牘上詔
廢后為華陽公主王清妙靜德師法名冲真出居瑤
華宮時章惇欲誣宣仁后有廢立計以后逮事宣仁
又陰附劉婕妤奸欲請建為后遂與郝隨構成是獄天
下寃之踰兩旬救逐奏中宮之廢事有所因情有可
察臣嘗聞錄其獄恐得罪天下帝欲貶之曾布曰陛
下以獄出於近習推治故命救逐錄
問今乃貶之何以取信中外耶乃止

廢明

不曰皇后孟氏廢而曰廢皇后孟氏后無可
廢之實哲宗無故而廢之也蓋有夫婦然後

有父子有父子然後有君臣孟氏太后所立六禮
具備初無失德哲宗溺愛嬖妾輕棄正妻誣陷廢
黜非其罪矣哲宗於一后尚不能容況亞於后者
其能容乎於所厚者薄無所不薄矣然則哲宗於
夫婦之情為可見人君能知此義則夫
夫婦而家道正正家而天下定矣

廣義

自古人君莫不以正五倫而興贊五倫而敗雖創業之君而不以五倫為正者禍不在其

身必及其子孫也蓋倫者天之倫理故曰天叙有典能於此則為君相為聖賢為君子所謂順天者昌是也不能此則為奸宄為禽獸為小人所謂逆天者亡是也今哲宗寵艷姬而廢正后其如天之倫理何綱目於孟氏之廢志其月正其號而不書有罪者所以甚哲宗之惡而為後世人君之大戒也

冬十月雷大雨雹

發明

雷者陽精之發雹者陰氣之凝時方十月而為孟冬雷未可以出今既雷出此陽之失節

也雷已出則雹不當復降而大雨雹此陰氣凝也陰陽運動有常而無忒凡失其度人為感之也今

陽夫節而陰氣縱小人之浸域兆矣西夏之搆兵
萌矣綱目災異必書雖不言其事應而事應具存
惟明於天人相感之際響應之理則見君子所書
之意矣與春秋書三月大雨震電大雨雪同意
廣義九月廢皇后而十月雷且大雨雹者所以著
其陰陽不和人感而天應也洪範咎徵執謂

其無
驗哉

夏人寇鄜延陷金明砦

夏人自得四砦連歲以畫界未定侵擾邊境且遣使
欲以蘭州一境易塞門二砦朝廷不許夏主乾順乃
率其母率衆五十萬大入鄜延西自順寧招安砦東
自黑水安定中自塞門龍安金明以南二百里間相
繼不絕至延州北五里是月自長城一日馳至金明
列營環城乾順子母親督將鼓縱騎四掠知麟州有

備復還金明而後騎之精銳者留龍安邊將悉兵掩
擊不退金明遂陷守兵二千八百惟五人得脫城中
糧五萬石草千萬束皆盡將官張興戰死初帝聞有
夏冠泰然笑曰五十萬束深入吾境不過十日勝不
過一二砦須去已
而果破金明引退

廣義

昭聖時夏人連歲犯邊哲宗不以為慮方且
罪誅官廢皇后百為之事問不忤譯故夏人

於其九月廢皇后十月即寇鄆延嗚呼百圍之木
而大風得以拔之者膏液內潤也有國者不可以
不慎

以龔原為國子司業

原少師王安石安石之改學校法嘗引原自助原亦
為盡力及為司業遂請以安石所撰字說洪範傳及

王雱論語孟子義刊板傳學者故學
按舉子之文靡然從之其弊自原始

四年春正月李清臣免

帝幸楚王似第有狂婦人遮道叫呼告清臣謀反乃
清臣姑子田氏外婦也清臣不能引去御史劾免之
史臣曰哲宗親政之初見慮未定范呂諸賢在廷左
石弼瑛俾日過忠諫疏施回適以端其志向元祐之
治業庶可守也而清臣姑才躁進陰覲柄用首發紹
述之說以陳國是彈姦嗣之銜決英障重為薦紳之
禍

廣義

謀反非細故也哲宗不罪清臣者深有寵於
清臣也清臣不能引去者不以哲宗為意也

上下蒙蔽莫此
為甚可不畏哉

二月追貶司馬光呂公著等官

三省言司馬光等倡為姦謀詆毀先帝變易法度罪惡至深當時凶黨雖已死及告老亦宜薄示德沮遂追貶司馬光為清遠軍節度副使呂公著為建武軍節度副使王巖叟為雷州別駕奪趙瞻傳堯俞贈諡追韓維到任及孫固范百祿胡宗愈等遺表恩未幾復追貶光朱崖軍司戶公著昌化軍司戶

復罷春秋科○流呂大防劉摯蘇轍梁燾范純仁等于嶺南貶韓維等三十人官大防道卒

大防之徙安州也其兄大忠自涇原入朝帝訪大防安否且曰執政欲遷諸嶺南朕獨令處安陸為朕寄

聲問之大防朴直為人所賣二三年可復見也大忠
泄其語於章惇惇絕之益力會侍御史來之卽言司
馬光畔道逆理典刑未正鬼得而誅獨劉摯尚存實
天以遺陛下於是三省言呂大防等為臣不忠罪與
司馬光等不異頃朝廷雖則懲責而罰不稱愆生死
異罪無以垂示萬世遂貶大防舒州摯鼎州團練副
使轍化州熹雷州別駕純仁武安軍節度副使安置
于循新雷化永五州劉奉世光祿少卿郴州居住尋
安置郴州韓維落職致仕再謫均州安置王觀韓川
孫升呂陶范純禮趙君錫馬默顧臨范純粹孔文仲
王欽臣呂希哲呂希純呂希績姚緬吳安詩秦觀十
七人通隨峽衝蔡毫單饒均池信和金光衛連橫諸
州居住王敏落職致仕孔文仲落職知衡州張耒晁
補之賈易並監當官朱光庭孫覺趙鼎李之衡杜純
李周並追奪官職復追貶孔文仲李周為別駕中書
舍人葉濤當制文極醜詆聞者切齒先是左司諫張

商英上言願陛下無忘元祐時章惇無忘汝州時安
燾無忘許昌時李清臣曾布無忘河陽時以激怒之
由此諸賢皆不免時燾已卒大防行至虔州信豐而
卒天下惜之既而蘇軾自惠州徙昌化軍范祖禹自
賀州徙賓州劉安世自谿州徙高州純仁時因疾失
明聞命怡然就道或謂近名純仁曰七十之年兩目
俱喪萬里之行宜其欲哉但區區之愛君有懷不盡
若避好名之嫌則無為善之路矣諸子欲以與司馬
光議役法不同為請冀得免行純仁曰吾用君實薦
以致宰相昔同朝論事不合則可汝輩以為今日之
言則不可也育愧心而生不若無愧心而死其子乃
止每戒子弟不可小有不平聞諸子怨章惇必怒止
之及在道舟覆于江純仁衣盡濕顧諸子曰此豈
章惇為之哉

發明

小人之貽禍國家中傷善類無所不至在乎
人君聽否何如耳苟盡信其言則國家心覆

善類必傷矣司馬光等前既奪其贈謚茲又追貶其官呂大防等前既貶其官爵茲又流于嶺南此皆衰世之事非清朝之典也元祐正人何得罪之深耶程子曰否者小人得志之時君子居顯榮之地禍患必及其身故宜晦處窮約也苟為不然則賢否錯雜是非混淆君子既不能受制於小人小人亦不能見容於君子禍亂相仍其及救乎是以君子必引身而退以避小人之難也據事詳書其見惡自

降太師致仕文彥博為太子少保

言者論其朋附司馬
光詆毀先烈故也

閏月以魯布知樞密院事林希同知院事許將為中書

侍郎蔡卞黃履為尚書左右丞

布初附章惇惇引居同省故章惇制極其稱美復贊紹述甚力惇忌之處于樞府由是稍不相能時章惇蔡卞同肆羅織貶謫元祐諸臣欲舉漢唐故事誅戮黨人帝以問將將對曰二代固有之但祖宗以來未之有本朝治道所以遠過漢唐者以未嘗輒戮大臣也帝深然之

廣義

嗚呼元祐宰執與夫太師諸賢非捐館則告老致仕章惇舍此可也而傷害必致其極者何也蓋羣陰用事非絕蔽陽光不能霏雪之集是知追貶元祐諸賢者豈非為蔡卞引用諸賊之地哉學者比而觀之其善見矣

三月詔中書舍人蹇序長等編類司馬光等章疏

章惇議遣呂升卿董必察訪嶺南將盡殺流人帝曰
朕遵祖宗遺志未嘗殺戮大臣其釋勿治惇志不快
於是中書舍人蹇序辰上疏言朝廷前日正司馬光
等姦惡明其罪罰以告中外唯變亂典刑改廢法度
訕謔宗廟睨兩宮觀事考言實狀彰著其章疏案
牘散在有司若不彙緝而藏之歲久必致淪棄願選
官編類人為一帙置之二府以示天下後世之大戒
章惇蔡卞請即命序辰及直學士院徐鉉編類凡司
馬光等一時之施行文書擗拾附著纖悉不遺由是
縉紳之士無得脫禍者矣卞黨薛昂林自又乞毀司
馬光資治通鑑板太學博士陳瓘因策士
引神宗所製序文以問昂自議沮得免

知渭州章惇城平夏

惇以夏人猖獗上言城葫蘆河川據形勝以偪夏朝
廷許之遂罷熙河秦鳳環慶廐延四路之師陽騁理

他若數十所以示怯而陰具板築守戰之備出葫蘆河川築二砦于石門峽江口好水河之陰夏人聞之帥衆來乘築迎擊敗之二旬又二日城成賜名曰平夏城靈平砦章惇因請絕夏人歲賜而命沿邊諸路相繼築城于要害以進拓境土凡五十餘所

發明

魯城中城春秋譏之蓋城非春秋所貴經世安民視道之得失不倚城郭溝池以為固也

哲宗信章築之狂謀築城以徇夏於乎抑末矣孟子曰城非不高也池非不深也兵革非不堅利也米粟非不多也委而去之是地利不如人和也治天下者在乎行仁政以得民心推恩信以服小國則外無侵陵之患內無肝食之憂不能以理育明而乃築城徇夏人心不固城將奚為死於農事方殷之時而又輕役大衆愛民之君宜若是哉直書于策交罪之也

夏五月路公文彥博卒

彥博逮事四朝任將相五十年名聞四夷平居接物謙下尊德樂善如恐不及其在洛也洛人卻雍程顥兄弟皆以道自重賓接之如布衣交立朝端重公忠直諒臨事果斷有大臣之風功成退居朝野倚重卒年九十二追復太師諡忠烈

六月朔日食○秋八月彗星見西方

發明

是時新法縱橫人民愁苦日食彗見天戒昭昭而反虛內事外恬不知懼其誣天罔人若

此綱目書之亦所以見當時不知警懼之意也保邦沒自顧不幸哉

○鄜延經畧使呂惠卿復宥州

惠卿乞諸路出兵乘便討擊詔河東環慶並聽惠卿
期約惠卿遂遣將官王愍攻破宥州尋又奏築威戎
威光二城加惠卿銀青光祿大夫時章
惇開邊隙故諸道興役進築屢被爵賞

冬十月以邢恕為御史中丞追貶王珪為萬安軍司戶

參軍

初恕久斥外心懷憤恨自河陽間道謁蔡確于邠州
將緒成太后王珪廢立事以明確與已定策功謀已
定而無司馬光左驗會光子康赴闕過河陽恕乃給
康手書稱確功既而梁燾以諫議召過河陽陽恕復頌
確功於燾且出康書為證既而恕帥中山置酒誘高
遵裕之子士京曰公知元祐間猶不與先公推恩否
士京曰不知又問有兄弟無士京曰有兄士充已死
恕曰此乃傳王珪語言之人也當時王珪為相欲立

徐王遣士充傳道言語於禁中公知否士京曰不知
恕因咥以官爵曰不可言不知為公作此事第勿以
語人士京庸暗從之至是章惇蔡卞將甘心元祐諸
賢引恕自助遂召還三遷為中丞恕道以北齊婁太
后官名宣訓嘗廢孫少帝立子演設為司馬光語范
祖禹曰方今主少國疑宣訓事猶可慮又令王概為
高士京作奏言父遵裕臨死屏左右謂士京曰神宗
彌留之際王珪遣士充來問曰不知皇太后欲立誰
我叱士充去之事遂已會給事中葉祖洽亦以王珪
於冊立時有異論於是詔追貶珪為萬安軍司戶贈
遵裕奉國
軍節度使

廣義

和人中傷善類雖言動食息之間其一念之
烈無乎不在書曰凶人為不善亦惟日不足

其邪恕之謂
乎險矣哉

十一月梁燾卒于化州○編管程頤于涪州

頤時放歸田里帝一日與輔臣語及元祐政事曰程頤妄自尊大在經筵多不遜於是言者論頤與司馬先司惡相濟則籍竄涪州河南尹李清臣即日遣徽入內別叔毋不許明日贖以銀一百兩頤亦不受

廣義

伊川放歸田里哲宗日與羣小狎侮似或可
以相忘于吾道也何忽焉興此惡念而自絕

于天哉此桀紂之所不為而哲宗乃居之不疑尚
可以人道目之手厥後宋社淪于沙漠未必不為
害政之
報也哉

復立市易務○十二月劉摯卒于新州

發明

泰極而否城復于隍小人內而君子外陽道
消而陰道長此不可有為之時也君子之處

斯世既饗君爵既食君祿雖遇小人之難亦所不辭王珪以誣陷而追貶其爵程頤以正直而編管涪州梁燾劉摯一謫化州一謫新州皆相繼卒於貶所豈不深可惜哉小人疾害善良有同讐陳哲宗亦可謂寄生之君耳故必書卒於其地者所謂正燾摯之終罪哲宗之闇也

元符元年春正月得秦璽于咸陽

咸陽縣民段義於劉銀村修舍得古玉印其文曰受命於天既壽永昌上之詔蔡京等辨驗京以為秦璽遂令曰天授傳國受命寶帝御大慶殿受寶行朝會禮詔賜義絹二百匹授右班殿直

發明

以天瑞紀元乃漢武之失先儒尹氏論之詳矣真宗惑天書之妖妄而遂有太中祥符之

號哲宗得咸陽之璽遂有元符之名甚失古人即位紀元之意其所由來者漸矣後世不知其義改

號紛紛遂著為令何其謬哉綱目直書于冊不曰
改號而已在其中非美之也正所以譏其失爾不
然一璽微物
何足書乎

廣義

傳國璽者秦之前以金銀為方寸璽秦得和
氏璧乃以玉為之在六璽之外李斯篆其文

曰受命于天既壽永昌號曰傳國璽漢高定三秦
子嬰獻之王莽篡逆就元后取之莽敗李憲得之
李松入長安斬憲取璽送上更始以奉赤眉亦肩
立劉盆子盆子奉上光武後董卓作亂掌璽者授
諸井中孫堅入洛討卓見井中有五色光堅浚井
得璽袁術僭逆乃拘堅妻奪之術死為徐璆所得
以上獻帝然而漢以傳魏魏以傳晉後劉曜入洛
陽執懷帝取璽曜又為石勒所得冉閭滅勒得璽
閭敗璽存於閭大將軍蔣幹其後謝尚得之於幹
以晉穆帝永和八年還建康晉元興三年又為桓

玄惜逆而得玄賊劉裕得之齊蕭道成篡宋復得璽
蕭衍篡齊為梁又得之其後盜竊璽而歸之于齊又
其後陳得之于梁隋得之于陳而秦王世民又得之
於竇建德妻曹氏厥後唐昭宣帝四年遣使奉冊寶
如朱梁則是溫得之矣又云晉得傳國寶者乃唐僖
宗廣明元年黃巢入長安魏州僧得傳國寶以為常
玉將粥之或識其為傳國寶乃詣行臺獻之後梁至為
盜竊之以迎唐而石晉派唐唐主從珂携傳國寶登
玄武樓自焚死嗚呼璽至此蓋已亡矣由是後之得
國者各自為之故晉作受命寶其文曰受天明命惟
德永昌周又更作二寶今綱目大書元符元年春正
月得泰璽於咸陽者何哉所以深著蔡京愚惑哲宗
之罪也噫泰璽之文如此宜其享國長久何至二世
而亡假令其璽之真亦智者之所不貴況其偽者乎
故綱目不惟月之而又地之者識其愚也善乎王孫
滿對楚子曰在德不在鼎臣亦曰在德不在璽後之

得國者益亦知
所以貴者云

三月下文彥博子及甫于同文館獄遂錮劉摯梁燾子
孫于嶺南以蔡京為翰林學士承旨安惇為御史中丞

彥博之子及甫居喪于洛服除恐不得京官抵書邢
恕曰改月遂除入朝之計未可以當塗猜忌於鷹揚
者益深其徒實繁司馬昭之心路人所知也濟之以
粉昆必欲以助躬為其心快意之地可為寒心其謂
司馬昭者指呂大防獨當國久粉昆世謂駙馬都尉
為粉候韓嘉彥尚主其兄忠彥則粉昆也恕以書示
蔡確之弟碩至是恕令確子渭上書訟摯等陷其父
陰圖不軌謀危宗社引及甫書為證章惇蔡卞因是
欲殺摯及梁燾王巖叟等以為摯有廢立意遂置獄
于同文館令蔡京安惇雜治建議及甫及甫因詭言

其父彥博稱摯為司光昭粉則以王巖叟面白昆則梁燾字况之况猶兄也京博因組織萬端將陷諸人以族罪奏摯等大逆不道死有餘責不治無以示天下帝曰元祐人果如是乎京博對曰誠有是心特反形未具爾會摯燾已卒於貶所京等奏上不及考驗乃下詔禁錮摯燾子孫于嶺南勒停巖叟諸子官職京觀求執政故治獄極意羅織元祐諸賢既成而曾布忌京察言于帝曰蔡卞備位丞轄京不可以同升遂止進承旨京布由是有隙

發明

觀此則小人朋邪害正昏夜乞哀之情著矣是時諸賢既歿子孫僅存一二姦邪尚懷羅

織君子之道何其不哉故綱目上書下獄禁錮之事下書以蔡京安惇為學士中丞則是事為二人之所構可見綱目之脩循名責實而已

章惇蔡卞請追廢宣仁聖烈皇后不果行

惇卞恐元祐舊臣一旦復起日夜與邢恕等謀且結內侍郝隨為助媒蔡宣仁嘗欲危帝之事既敗王珪又起同文館獄又誣司馬光劉摯梁燾呂大防等結主宣仁閣內侍陳行謀廢立時行己先得罪配朱厓又以內侍張士良嘗與行同主后閣自郴州召還使蔡京安惇雜治之以實其說京等立鼎鑊刀鋸與前謂之曰言有即還舊職無則就刑士良仰天大哭曰太皇太后不可誣天地神祇不可欺乞就戮京等鍛鍊無所得乃奏行疏隔兩官斥隨龍內侍劉瑗等于外以剪除人主腹心羽翼為大逆不道處死帝頗惑之至是惇卞自作詔書請廢宣仁太后為庶人皇太后寢聞之遽起謂帝曰吾日侍崇慶天日在上此語曷從出且帝必如此亦何有於我帝感惇取惇卞奏就燭焚之郝隨規知之密語惇卞明日惇卞再具狀聖

請施行帝怒曰卿等不欲朕入
英宗廟乎抵其奏于地事得寢

廣義

分注載惇卞自作詔書欲廢宣仁母后則其
窮兇極惡豈在莽卓曹瞞之下乎汴宋所以

傾頽不復振
者蓋以此耳

夏四月林希免

初章惇疑曾布在樞府間已使希為貳以相伺察希
日為布所誘且恨惇不引為執政漸有怨隙邢恕承
惇意論
免之

秋七月再竄范祖禹劉安世于化梅州祖禹尋卒

初章惇怨范祖禹劉安世尤深必欲置諸死地至是
輒蔡京併陷二人以罪詔徙祖禹于化州安世于梅

州安世至敗所章傳將必置之死陰令殺陳行使者
過梅陽安世使自裁使者不忍而止傳又擢土豪為
轉運判官使殺之判官承意疾馳未至梅三十里嘔
血而死安世獲免祖禹平居恟恟口不言人過遇事
則別白是非不少借隱長于勸講論諫不啻數十萬
言聞陳治道辨釋事宜平易明白洞見底蘊雖賈誼
陸贄不
是過也

發明

嗚呼小人忌刻詆毀欺君罔上之心至是益
甚矣大彥情等既被貶黜客死遐荒復拘子

孫下獄禁錮惇卞私心未足惡念愈張離間哲宗
請廢太后幸而哲宗稍悟姦謀不行奈何復嫉祖
禹安世再竄他州此皆小人已甚之事愈發愈烈而
浸不可遏耳然禁錮再竄請廢宣仁大抵皆惇卞
之所為何獨於請廢宣仁則斥其名原情定罪也
宣仁英宗之后神宗之母哲宗祖母正名定分則

悍下安可請廢哲宗安敢擅廢乎故於禁錮再竄之事則諱其名而於請廢宣仁則斥其名也

京師地震○冬十月夏人寇平夏城章榘大敗之獲其

將威明阿密

夏人圍夏平章榘之獲其勇將威明阿密西壽監軍穆爾塔布斬獲甚衆夏人震駭捷至帝御紫宸殿受賀榘在涇源日久嘗言夏嗜利畏威不有懲艾邊不得休息宜稍取其土疆如古割地之制以固吾圉然後諸路出兵擇要害不一再舉勢將自蹙矣章榘與榘同宗言多見采由是創州一城若九屢敗夏人而諸路多建城砦以逼夏及平夏之捷夏人不復振

發明

夏稱人賊之也寇者賊之之詞獲者賊之之詞所以內宋而外夏也夏人輕舉大衆入寇

平夏不為無罪曲在夏而直在宋矣師以直為壯
以曲為餒故斥名而曰獲此國書法之為深意也

二年春三月遼人為夏請和

夏人求援於遼遼主遣簽書樞密院事蕭德崇來為
夏人議和仍獻玉帶詔郭知章報之復書謂若果出
至誠深悔謝罪當徐度
所宜開以自新之路

發明

夏人自平夏之役師徒撓敗心喪氣沮然不
能卑詞厚禮請和中朝而反求援契丹將謀

抗拒則是手足倒置而不知去就之方矣故書遼
人為夏請和以見夏不能請而遼為請之也雖然
救災卹鄰春秋所貴宋以憤兵之故迨相報伐遼
能為夏請和所以見其有救災卹鄰之意深予之
也故特進而稱人予在
契丹則責在中國矣

夏五月置西安州

即寧摩奎新城從
經畧使章粦請也

六月河決內黃

河決內黃口東流斷絕吳安持等三十人
降責有差以元祐間主回河東流之議也

秋七月洮西安撫使王瞻取吐蕃邈川青唐降其酋轄

戡

初阿里庫死子轄戡嗣轄戡性嗜殺帝曰朕貳大酋
森摩心展等有異志以轄戡季父索諾木丹津雄武
殺之其黨皆死獨心羅結得逃奉棟戡踈族實巴亥
子巴勒藏據薩格城轄戡殺巴勒藏沁羅結奔河州

說知州王瞻以取青唐之策瞻言於朝章惇許之至是瞻引兵趨懿川守者以城降瞻留屯之轄戢自知其下多叛乃脫身自青唐來降于瞻詔以胡宗回帥熙河以節制之

發明

取者攻奪之名聲罪伐人而強奪其土地故特曰取以著其惡然汝陽濟西皆魯地其後後得之亦書曰取惡其擅兵爭奪雖取本邑與奪人之有者無以異綱目取法春秋不以亂易亂故亦書曰取正其本之意也上二年與西夏構兵至是伐吐蕃取地其暴益肆矣

八月城會州

元豐中雖加蘭會與熙河為一路而會州實未復至是始城會州以西安城北六砦隸之未幾又以葭蘆砦為晉

寧軍

發明

城非春秋所資宋自用兵以來城之既多役民既久綱目凡城必書見勞民為重事也孟

子曰城民不以封疆之界固國不以山谿之險威天下不以兵革之利得道者多助失道者寡助哲宗輕用民力以城會州竭天下之力而不卹費天下之財而不顧輕內重外忘本逐末未有甚於此時者也苟有志於天下之君安肯作此無益哉故特書識之

子茂生九月立賢妃劉氏為皇后竄右正言鄒浩于新

州

妃多材藝有盛寵既構廢孟后章惇與內侍郝隨劉友端相結請妃正位中宮時帝未有儲嗣會妃生子茂帝大喜遂立焉浩以數論事帝親擢為右正言露章劾章惇不忠慢上之罪未報而劉白立浩上疏言

賢妃與孟后爭寵而孟后廢今乃立之殊累聖德乞
追停冊禮帝曰此祖宗故事豈獨朕邪蓋指真宗立
劉德妃也浩對曰祖宗大德可法者多矣陛下不之
取而效其小疵邪帝變色持其章躊躇若有所思因
付于外明日章悖貶其狂妄除名勒停羈管新州尚
書右丞黃履進曰浩以親被拔擢之故敢犯顏納忠
陛下遽出之死地人臣將視以為戒誰復為陛下論
得失乎幸與善地不聽初陽翟田書議論慷慨與浩
以氣節相激厲劉后立書謂人曰志完不言可以絕
交矣浩既得罪畫迎諸塗浩出涕畫正色責之曰使
志完隱默官京師遇寒疾不汗五日死矣豈獨嶺海
之外能死人哉願君無以此舉自滿士所當為者未
止此也浩茫然自失謝曰君贈我厚矣浩之將論事
也以告其友宗正寺簿王回回曰事有大于此者乎
子雖有親然移孝為忠亦太夫人素志也及浩南遷
人莫敢顧回欲交遊錢與浩治裝往來經理且慰安

其母遇者以聞建詣詔獄衆為之懼回居之宴如御史詰之回曰實嘗預謀不敢欺也因誦浩所上章幾二千言輒上除名停廢回即徒步出都門行數十里其子追及問以家事不答又有魯誕者嘗三以書勸浩論孟后事浩不報及浩廢魯誕作玉山主人對客問以譏浩不能力諫孟后之廢而俟朝廷過舉乃言為不知

幾云

發明

春秋嫡冢始生即書于冊與子之法也然子茂非嫡冢何以書原其情而譏之也哲宗偏

愛劉妃廢棄正后然欲立劉妃為后之心非一日矣特患立之無名恐來衆議故隱忍至此拙因生子即正坤極以為名正言順無可疑者殊不知人之視已如見其肺肝然則何益矣鄧浩既任言責禮宜正諫言既不行復為竄逐謂之何哉此蓋私欲之心勝天理之心忘浩言雖正而蔽錮已深不

能驟入焉爾是誠人主之大患也綱目王道之權衡此類是矣

廣義

嗚呼哲宗無罪而廢正后而夫婦之道絕有進而遜諫官而君臣之道虧則大綱絕矣厥

後汴宋淪于沙漠誰其尸之雖然鄒正言孤忠勁節固人之所難能也惜其不諫於廢后之時而諫於立妃之日此乃功之所以難為禍之所以易招也噫豫讓不諫智氏之貪地而徒殺身於國亡之秋褚遂良不諫武氏之再入而徒叩頭於冊命之日鄒浩不諫哲宗于廢后之時而徒盡言于立妃為后之際是知智氏之豫讓李唐之遂良汴宋之鄒浩其皆失于此乎

御史中丞邢恕免

恕內懷猜嫌而外持正論帝多嘉納其言章惇恐其大用切忌之恕亦揣帝稍厭惇因屢白惇短惇遂構

陷以罪出知汝
州以安惇代之

閏月黃履罷○吐蕃隆贊復據青唐王膽擊降之詔以
青唐為鄯州邈川為湟州

黠戛既降于王膽而膽與總管王慙爭功交訟於朝
於是青唐大酋森摩沁展迎寶巴衮入城立攻而戢
子隆贊為主其勢復張輅戢大懼自髡為僧以祈免
熙河帥胡宗回督膽進師膽急馬隆贊及森摩沁展
等皆出降膽入據其城詔以青唐為鄯
州膽知州事邈川為湟州王厚知州事

置看詳訴理局

安惇言陛下未親政時姦臣置訴理所凡得罪熙豐
之間者咸為除雪歸怨先朝收恩私室乞取公案看

詳從初加罪之意復依斷施行蔡卞勸章惇置局令
中書舍人蹇序辰及安惇看詳由是重得罪者八百
三十家士大夫或千里會逮
天下怨疾有二蔡二惇之誅

子茂卒○冬十一月許夏人通好

夏人屢敗遣其臣金能威明結等來謝罪且進
誓表詔許其通好歲賜如舊自是西陲民少安

發明

書許夏人通好者悔過之詞予之也春秋不
貴用兵而貴息兵今因夏人息兵即許通好
其息兵之意待物之誠至是
可見矣西陲之民不少安哉

詔諸州行三舍法

考選升補悉如太學州縣補上舍一人內舍二人歲
貢之其上舍附太學外舍試中補內舍三試不升遣

遷其州其內舍免
試補太學外舍生

庚辰三年春正月帝崩端王侑即位太后權同聽政赦

帝崩無子皇太后向氏哭謂宰臣曰國家不幸大行
皇帝無嗣事煩早定章惇抗聲曰在禮律當立母弟
簡王似太后曰老身無子諸王皆神宗庶子莫難如
此分別惇復曰以長則申王似當立太后曰申王有
目疾不可於次則端王侑當立惇曰端王輕佻不可
以君天下言未畢會布叱之曰章惇未嘗與臣商議
如皇太后聖諭極當蔡卞許將相繼曰合依聖旨太
后又曰先帝嘗言端王有福壽且仁孝於是惇默然
乃詔端王入即位于柩前羣臣請太后權同處分軍
國事后以長君辭帝泣拜移時乃許之端王神宗第
十一子也史臣曰哲宗以幼冲踐祚宣仁同政召用
諸賢罷廢新法故元祐之政庶幾仁宗奈何熙豐舊

嘉拔去未盡已而媒孽復用卒假紹述之言務反前政報復善良馴致黨禍君子盡斥而國政益敝矣

廣義

哲宗無疾而崩其可駭也惇賊當國其能免於後世之疑乎觀分注曰惇抗聲惇默然其情蓋可見矣

尊皇后劉氏為元符皇后○二月立皇后王氏

后開封人德州

刺史孫之女

以韓忠彥為門下侍郎黃履為尚書右丞

忠彥入對陳四事曰廣仁恩開言路去弊似戒用兵太后納之自是忠直敢言知名之士稍見收用

廣義

忠彥之陳四事何其切中時病哉吁忠彥之守家法如此則魏公可謂不死矣

三月詔棄鄆澶州以界吐蕃竄王瞻等於嶺南瞻未至

自殺

贈留邕州縱所部剽掠先衆搃貳森摩等結諸族
謀反贈擊破之悉捕斬城中羌積級如山初贈又諷
諸羌苗藉勝兵者皆湮其臂無應者沁羅結請歸帥
本路為倡贈聽之去遂殲衆數千人圖邈川夏衆十
萬助之城中危甚苗復姚雄帥所部兵來援圍始解
贈因乘青唐而還實已充興其子希斯羅希據之羣
羌復合兵攻邈川王厚亦不能支朝論請並棄邈川
謂隆贊乃瑪爾戡之子遂命知鄯州賜名趙懷德其
弟已爾王勛鄂丹幹曰懷義同知湟州加轄戡懷遠
軍節度使而貶贈於昌化軍厚於領州胡宗回奪職
知鄯州贈至
獲縣自縊死

發明

鄯湟吐蕃故地王贈等恃大國之兵力百戰
而奪之非其義矣今徽宗即位之初正外夷

觀德之日茲棄鄭澧以卑吐蕃窳王瞻等於嶺南
是乃悔過自新之美國也蓋自我之例有二自我
而不書政無政者也如皇子德昭之類是也自我
而書政有政者也如王瞻之類是也觀綱目之所
書則其微顯聞幽狗
名責實之意深矣

詔求直言

以四月朔日當食詔求直言筠州推官崔鵬上書曰
毀譽者朝廷之公議政責授朱崖軍司戶司馬光左
右以為姦而天下皆曰忠今宰相章惇左右以為忠
而天下皆曰姦此何理也夫秉時祇職以盜富貴探
微揣端以罔權寵謂之姦可也包苴滿門私謁踵路
賄交不逞森結禁庭謂之姦可也以苛伎淫巧蕩上
心以倡優女色敗君德獨操賞刑自報恩怨謂之姦
可也蔽遮主聽排斥正人微言者坐以刺譏直諫者

臨以指斥以杜天下之言掩滔天之罪謂之姦可也
凡此數者尤有之乎得有之乎賞繆罰濫倭人倘佯
如此而國不亂未之有也小人譬之螻蛄其荒忍害
人根乎天性隨過必發天下無事不過賊陷忠良破
碎善類至緩急危疑之際必有反覆賣國跋扈不臣
之心此年以來諫官不論得失御史不劾姦邪門下
不駁詔令共持暗然以為得計夫以股肱耳目治亂
安危所繫而一切若此陛下雖有堯舜之聰明將誰
使言之誰使行之夫四月陽極盛陰極衰之時而陰
干陽故其變為大惟陛下畏天威聽明命大運乾剛
大明邪正則天意解矣若夫伐鼓用幣素服撤樂而
無修德善政之實非所以應天也帝覽而善之以為
相州教授

發明

人主之善政不一而敬天聽言乃其大者自
元豐八年書詔求直言至是十有五年僅克

再見益亦難矣元祐以前賢后臨朝聽言納諫有
可觀者紹聖以後哲宗親政諱言拒諫無足觀者
上不以是而求之下不以是而告之然則天下之
舌甜之久矣天下之疾沮之深矣徽宗獨能明此
而詔求直言益言路一開萬民鼓舞忠告善道者
安能舍之而他適乎雖徽宗弗克盡終亦可以少
舒累年之憤焉耳大
書特書深予之也

廣義

觀崔鵬之言至今凜凜令人可敬可慕何直
如之徽宗初政而有臣如此可謂幸矣然不

能置諸左右以容啟沃而但為相州教授
惡在其為求直言哉昏德之號基於此乎

召龔夬為殿中侍御史陳瓘鄒浩為左右正言

薛忠彥等薦之也御史中丞安惇言鄒浩復用慮彰
先帝之失帝曰立后大事也中丞不言而浩獨敢言

何為不可復用傳體而退陳確言陛下欲開正路取
浩既往之善傳乃誣惑主聽規聘其私若明示好惡
當自傳始遂
士傳知潭州

廣義

易曰無妄之疾勿藥有
喜其陳鄒二公之謂乎

詔許劉摯梁燾歸葬錄其子孫○夏四月朔日食○以
韓忠彥為尚書右僕射兼中書侍郎李清臣為門下侍
郎蔣之奇同知樞密院事○復范純仁等官徙蘇軾等
於內郡

純仁時在永州遣中使賜以茶藥諭之曰皇帝在藩
邸太皇太后在宮中知公先朝言事忠直今虛相位

以待不知。曰：疾如何？用何人醫之？純仁頓首謝曰：居鄧州，在道拜覲。又殿大學士中太乙宮使制詞有曰：「豈惟尊德尚齒，昭示寵優。」庶幾覲論嘉謨，日間忠告純仁，間制泣曰：「上果用我矣！」死有餘責。既又遣中使趣入覲。純仁乞歸養疾，帝不得已許之。每見輔臣問安否，且曰：「范純仁得一識面足矣。」軾自昌化移廉徙永，更三赦，復提舉玉局觀。未幾卒於常州。軾與弟轍師又洵為文如行雲流水，初無定質，雖嬉笑怒罵之辭皆可書而誦之，自為舉子至出入侍從，必以愛君為本，忠規黨論，挺挺大節，但為小人忌惡，不得久居朝耳。

五月詔復哲宗廢后孟氏為元祐皇后

初，哲宗嘗悔廢后事，數曰：「章惇壞我名節。」至是，太后將復后位，會布衣何文正上書言之，遂降是詔。自瑤革官選，居禁中。

發明

熈宗踐祚五月觀綱目之所書如詔求直言召龔夬為殿中侍御史陳瓘鄒浩為左右正言詔許劉摯梁燾歸葬錄其子孫此書詔復哲宗廢后孟氏為元祐皇后下書追復文彥博等三十人官凡前人妒賢之心一毫無有詎不謂之賢哉故綱目備書所以予之也於戲使徽宗慎終如始不為變更而又有布昭昭武表正萬邦之才豈不為有宋盛德之主惜哉

蔡卞有罪免

卞專托紹述之說上欺天子下脅同列凡中傷善類皆竊疏建白然後請帝親札付外行之章惇雖巨姦然猶在其術中惇輕率不思而卞深阻寡言論議之蔡惇毅然主持卞或噤不敢萬一時論者以為惇迹易明卞心難見至是龔夬論惇卞之惡大畧以為昔日丁謂當國號為忠雖然不過陷一寇準而已及惇

則政老元輔侍從臺省之臣凡天下之所謂賢者一
自之間布滿嶺海自有宋以來未之聞也當是時惇
之威勢震於海內此陛下所親見蓋其立造不根之
語文致悖逆之罪是以人人危懼莫能自保俾其朽
骨銜冤於地下子孫禁錮於矣荒忠臣義士憤悶而
不敢言海內之人得以歸怨先帝其罪如此尚何俟
而不正典刑哉卡事上不忠懷姦深阻凡惇所為皆
卡發之為力居多望采之至公昭示黷然未報而臺
諫陳師錫陳次升陳壘任伯雨張庭堅等極論卡罪
浮於惇乞正典刑以謝天下乃出知江寧臺諫論之
不已遂以秘書
少監分司池州

廣義

蔡卡之罪不可勝誅故削其官而書有罪者
甚其惡也曰免者以見當時失律卡之幸也

追復文彥博王珪司馬光呂公著呂大防劉摯等三十

三人官

從韓忠彥之言也

六月邢恕有罪安置均州

陳雅論其矯誣定策之罪也

秋七月太后罷聽政○八月葬永泰陵○九月章惇有罪免

惇為相專國復怨引蔡卞林希黃履來之邵張商英等居要地任言責由是正人無一得免死者禍具及
等屢與大獄以陷忠良天下嫉之及蕪山陵使雷舉陷潭中踰宿而行臺諫豐稷陳次升龔夬陳瓘等劾

其不恭免
知越州

廣義

蔡作章悖罪惡彌天皆書有罪免者失討賊也噫昔者丁謂以山陵使敗今悖亦以山陵

使敗奸邪之敗如出一律可怪也夫

冬十月復以程頤判西京國子監

頤既受命即謁告欲遷延為尋醫計既而供職門人尹惇深疑之頤曰上初即位首被大恩不如是則何以仰承德意然吾之不能仕蓋已決矣受一月之休焉然後惟吾所欲耳未幾致仕

發明

夫以賢人君子不容於昏亂之世者何也蓋其存心直諒處事公平不阿諛以欺世不和

光而同塵時君有過則犯顏而諫諍之小人有夫則放逐而迸流之是以冰炭之相反薰蕕之異臭

不至於廢黜捐棄而不止大抵清平之世陽德方亨則君子進而小人退昏亂之世陰道浸長則小人進而君子退此國理勢之必然也程子因羣姦所忌不容於朝幸而正道收伸復得召用庶幾可以洩天地神人之憤矣雖藏宗闇弱不能盡終而公論寧無少快哉故大書復以程頤判西京國子監是亦改過之詞也此綱目扶天理之深意云

安惇蹇序辰有罪除名放章惇於潭州

惇既罷知越州陳瓘等以為責輕復論惇在紹聖中置看詳元祐訴理局凡於先朝言語不順者加以釘足剥皮斬頭拔舌之刑其慘刻如此看詳之官如安惇蹇序辰等受大臣颯諭迎合紹述之意傳致語言指為謗訕遂使朝廷紛紛不已考之公論宜正典刑於是二人並除名放歸田里而貶惇武昌節度副使

居潭州

廣義

宋之中葉破壞者皆章惇為之也書曰放惇於潭州是尚為能當其罪也乎

蔡京有罪免削秩希官徙知揚州

侍御史陳師錫上疏言京下同惡迷國誤朝而京好大喜功日夜交結內侍戚里以覲大用若果用之天下治亂自是而分祖宗基業自是而隳矣龔夫亦言京治文及甫獄本以償報私仇始則上誣宣仁終則歸咎先帝必將族滅無辜以逞其欲臣料當時必有案牘章疏可以見其煨煉附會願考證其實以正姦臣之罪皆未報會中丞豐稷召自河南初入對與京遇京謂之曰天子自外服召公中執法今日必有高論稷正色曰行自知之是日論京姦狀帝猶未納臺諫陳瓘江公望等相繼言之帝亦不聽稷曰京在朝

吾屬何面目居此復力論之始出知永興軍言者不
已乃奪職居杭州右司諫陳祐復論林希紹聖初黨
附權要詞命醜哉之罪乃
削端明殿大學士知揚州

發明徽宗初政清明正人漸用小入漸去有可觀
者如蔡卞邢恕章惇蔡序辰安惇蔡京林希
之類皆同惡相濟盡政害民今而或免官或安置
或除名或放逐或削爵絕書於冊皆所以予之也
然必曰有罪則其
疾惡之旨嚴矣

廣義

夫之九三曰壯于頄有凶獨行遇雨君子夫
大若需有愠无咎豐稷之處蔡京其事象之

以韓忠彥曾布為尚書左右僕射兼門下中書侍郎

布初附章惇凡惇所為多布所建白及不得同省始
與蔡興元符中惇以士心不符欲薦引名士且乞正

所奪司馬光呂公著等贈謚布以為無益沮之且奏
人主操柄不可倒持今自丞弼以至言者知畏宰相
不知畏陛下其意蓋欲傾博會哲宗崩而止及帝即
位銳意圖治延進忠鯁布因力排紹聖之人而去之
既拜相其弟翰林學士肇引嫌出知陳州言於布曰
兄方得君當引用善人翊正道以杜博卞復起之萌
而數月以來所謂端人吉士繼迹去朝所進以為輔
佐侍從臺諫往往皆前日事博卞者一旦勢異今日
必首引之以為固位計思之可為傷哭比來主意已
移小人道長進則必論元祐人於帝前退則盡排元
祐者於要路異時博卞縱未至一蔡京
足以兼二人可不深慮乎布不能從

十一月詔改元

時議以元佑紹聖均有所失欲以大公至正消釋朋黨
遂詔改明年元為建中靖國由是邪正雜進矣初

曾布密陳紹聖之說帝不能決以問給事中徐勣勣對曰聖意得非欲兩存乎天下之事有是與非朝廷之人有忠與佞若不考其實姑務兩存臣未見其可也

發明

時議以元祐紹聖均有失禮則書之考之分注言

消釋朋黨遂詔改明年元為建中靖國由是邪正雖進矣嗚呼君子小人不容並立今而邪正雖進終於君子盡去小人獨留天下不可得而治矣徽宗銳意圖治延進忠鯁而曾布之徒不能分別是非密陳紹述之說君心惑亂不可救藥惜哉故綱目直書於冊乃所以深譏之也

以安燾知樞密院事黃履免○置春秋博士○以范純禮為尚書右丞○女真攻阿疎城取之



御批續資治通鑑綱目卷八



總校官候補中允 臣王燕緒

校對官編修 臣章宗瀛

謄錄監生 臣常安